

Xi³ ti¹tjon² xon⁴ xi³ pa²stro⁴ Pablo qui³squi³-le⁴ cho⁴ta⁴ corintios

Pablo si¹ti²²nta³

1 An³ nia¹³ Pablo, xi³
qui³no²cjoa⁴-na³ nca³ pa²stro⁴-
le⁴ Jesucristo coan³, jo³-s⁷in²
coan³me³-le⁴ Ni³na¹, c⁷oa⁴ cao⁴ je²
nts⁷e³² Sóstenes, ²ti³chji³-lai²⁴jⁱⁿ⁴
jon² xi³ na⁴xi⁴na³nta¹-le⁴ Ni³na¹, xi³
ti³yo³ ya⁴ Corinto, xi³ coan³tsjao³
nca³ ti³yo³cao⁴³ Cristo Jesús.
Qui³no²cjoa⁴-no³ nca³ cho⁴ta⁴-le⁴
Cristo coan⁴³ cao⁴ nca³ts⁷i³ to⁴j^ña³-
ni³ve⁴ xi³ nchja⁴ jan³⁷ain¹-le⁴ Nai³-na¹
Jesucristo, Nai³-le⁴ xi³ ts⁷e⁴, c⁷oa⁴ xi³
tsan⁴². ³Ca²ta³tsjoa¹-no³ cjoa⁴nta³,
ca²ta³si¹qui³njen³nch⁷an¹jⁱⁿ³ ni⁴ma⁴-
no³ Ni³na¹ je² N⁷ai³-na¹ cao⁴ Nai³-na¹
Jesucristo.

Pablo tsjoa¹-le⁴ cjoa⁴nta³ Ni³na¹

⁴Cjoa⁴nta³ tsjoa³-le⁴ Ni³na¹
nca³nts⁷ai² xi³ t⁷a³tsaon⁴³, xi³ t⁷a³ts⁷e⁴
je² cjoa⁴nta³-le⁴ Ni³na¹ xi³ qui³ts⁷ai²-
no³ nca³ ti³yo³cao⁴³ Cristo Jesús.
⁵Coan³nchi⁴na¹-lao⁴³ nca³yi³je³ cjoa⁴
nca³ ti³yo³cao⁴³ Cristo, jo³-s⁷in²
nca³ no²cjoa⁴³ cao⁴ jo³-s⁷in² nca³
ma³cho⁴ya³-no³. ⁶C⁷oa⁴-s⁷in² je² en¹
xi³ t⁷a³ts⁷e⁴ Cristo coan³qui²xi⁴ya³jⁱⁿ³
ni⁴ma⁴-no³. ⁷Ni⁴jme³-jⁱⁿ² cjoa⁴tjao²
xi³ cha³-no³, nca³ ti³cho³ya²-

lao⁴³ nca³ cjoa⁴⁷ai¹ c⁷a³tsen³ je²
Nai³-na¹ Jesucristo. ⁸Jesucristo
coa⁴sen⁴n⁷ion¹-no³ sa³⁷nta³ nca³
cjoe⁴⁷a³, jme¹-ni³ nca³ tsi²jme³
je¹ s⁷e⁴-si¹ni³no³ c⁷ia⁴ ni⁴chjⁱⁿ³-
le⁴ je² Nai³-na¹ Jesucristo. ⁹Ni³na¹
n⁷ion¹t⁷a³con³, je² xi³ qui³nchja⁴-no³
nca³ to⁴jnc³ coi⁴yo³cao⁴³ je² n⁷ti¹-le⁴
xi³ Nai³-na¹ Jesucristo.

A³ ncjin² ya³ ma³-ni³ Cristo

¹⁰V⁷e³ts⁷oa²³-no³ nts⁷e³², xi³
to⁴t⁷a³ts⁷e⁴ jan³⁷ain¹-le⁴ Nai³-
na¹ Jesucristo, nca³ nca³ts⁷io³
to⁴nc¹son²-s⁷in² coi⁴xon¹³, c⁷oa⁴
nca³ tsi² tsa² jme³ cjoa⁴si³ s⁷e⁴jⁱⁿ³-
no³ nca³ jon². To⁴sa³ ña³qui³ to⁴jnc³
ti⁴yo³ nca³ to⁴jnc³ cjoa⁴fa³⁷ai³tsjen³,
c⁷oa⁴ nca³ to⁴nc¹son²-s⁷in²
cho¹son²-lao⁴³. ¹¹Je² cho⁴ta⁴ xi³
ts⁷e⁴ Cloé qui³si³qui²xi⁴ya³-na³
xi³ t⁷a³tsaon⁴³, nts⁷e³², nca³ tjⁱⁿ¹-
no³ cjoa⁴cho³va²ti³ya³-ni³. ¹²Coi³
xi³ ti²xian³: Jnc¹-jnc¹ nca³ jon²
c⁷oi⁴vi³xon¹³: An³ ts⁷e⁴ Pablo
nia¹³, to⁴nca³ an³ ts⁷e⁴ Apolos
nia¹³, to⁴nca³ an³ ts⁷e⁴ Cefas nia¹³,
to⁴nca³ an³ ts⁷e⁴ Cefas nia¹³, to⁴nca³
an³ ts⁷e⁴ Cristo nia¹³. ¹³A³ ncjin²
ya³ ma³-ni³ Cristo. A³ qui³s⁷e³t⁷a³
cro² Pablo xi³ t⁷a³tsaon⁴³. A³xo⁴

a³ qui³sa³te²nta¹t⁷a³-lao⁴³ Pablo.
 14 Cjoa⁴nta³ tsjoa³-le⁴ Ni³na¹ nca³
 ni⁴jnc³-jin² tsa³ca³te³nta¹³-no³
 nca³ jon², to⁴je² Crispo cao⁴ Gayo.
 15 Ni⁴⁷ya³-jin² xi³ c⁷oa⁴coi⁴tso⁴
 nca³ qui³sa³te²nta¹t⁷a³-nao¹³.
 16 C⁷oa⁴-ti⁴ tsa³ca³te³nta¹³ xi¹ncjin¹
 Estéfanas, to⁴nca³ li²coi³ ⁷ve³ tsa²
 tsa³ca³te³nta¹³-sa³ xi³ cja⁴⁷ai¹. 17 Nca⁴
 tsi² tsa² coi³ xa¹ qui³si³ca³sen¹-na³
 Cristo nca³ cho⁴ta⁴ coa³te³nta¹³.
 To⁴coi³ xa¹ qui³si³ca³sen¹-na³ nca³
 coi³nchja²ya³-nia³ je² en¹nta³
 xi³ t⁷a³ts⁷e⁴ Cristo, li²coi³ cao⁴
 cjoa⁴chji⁴ne⁴ xi³ to⁴xquia⁴ en¹, jme¹-
 ni³ nca³ tsi² cha⁴-si¹ni³ nca³n⁷ion¹-le⁴
 cro²-le⁴ Cristo.

**Cristo nca³n⁷ion¹-le⁴ Ni³na¹
 c⁷oa⁴ cjoa⁴⁷i³sen³ta³con²-le⁴**

18 Je² en¹ xi³ t⁷a³ts⁷e⁴ cro²
 to⁴cjoa⁴sca¹ ma³-le⁴ je² xi³ cha³jin³,
 to⁴nca³ ña¹ xi³ vi²tjo⁴ntje², coi³
 xi³ nca³n⁷ion¹-le⁴ Ni³na¹ ma³-
 na¹. 19 C⁷oa⁴-s⁷in² tji¹t⁷a³: Si³cha³
 cjoa⁴chji⁴ne⁴-le⁴ cho⁴ta⁴ xi³
 chji⁴ne⁴, c⁷oa⁴ sca³ni²t⁷a³xian²³
 cjoa⁴⁷i³sen³ta³con²-le⁴ cho⁴ta⁴
 xi³ ma³cho⁴ya³-le⁴. 20 Jña¹ ti¹jna³
 xi³ tjin¹-le⁴ cjoa⁴chji⁴ne⁴. Jña¹
 ti¹jna³ xi³ ma³-le⁴ cji³t⁷a³ xon⁴.
 Jña¹ ti¹jna³ xi³ ma³-le⁴ fa³jin³-le⁴
 i⁴ son³⁷nte³-vi⁴ nt⁷ai⁴-vi⁴. Ni³na¹
 a³ tsi² tsa² qui³si³sca¹ya³-le⁴ je²
 cjoa⁴chji⁴ne⁴-le⁴ son³⁷nte³-vi⁴. 21 Je²
 son³⁷nte³ li²coi³ tsa³ve³ Ni³na¹
 xi³ to⁴t⁷a³ts⁷e⁴ cjoa⁴chji⁴ne⁴-le⁴
 cho⁴ta⁴. Ni³na¹ xi³ c⁷oa⁴qui³tso² cao⁴
 cjoa⁴⁷i³sen³ta³con²-le⁴. Qui³sa³sen³-
 le⁴ Ni³na¹ nca³ ts⁷a³sje³ntjai² je² xi³
 ma³cjin¹-le⁴ xi³ to⁴t⁷a³ts⁷e⁴ cjoa⁴sca¹
 xi³ ts⁷e⁴ en¹ xi³ qui³no²cjoa⁴ya³.
 22 Je² cho⁴ta⁴ judío si¹je¹ choa⁴, c⁷oa⁴

je² cho⁴ta⁴ griego va³jnqui³sjai³
 cjoa⁴chji⁴ne⁴, 23 to⁴nca³ ña¹-vi⁴
 no²cjoa⁴ya³² t⁷a³ts⁷e⁴ Cristo nca³
 qui³s⁷e³t⁷a³ cro². Xi³ to⁴t⁷a³ts⁷e⁴
 coi³-vi⁴ sa³te¹nqui³ cho⁴ta⁴ judío,
 c⁷oa⁴ to⁴cjoa⁴sca¹ ma³ xi³ t⁷a³ts⁷e⁴ je²
 cho⁴ta⁴ xi³ li² judío-jin². 24 To⁴nca³
 t⁷a³ts⁷e⁴ xi³ qui³no²cjoa⁴-le⁴, cho⁴ta⁴
 judío cao⁴ cho⁴ta⁴ griego nca³ jao²,
 Cristo nca³n⁷ion¹-le⁴ Ni³na¹ ni¹ c⁷oa⁴
 cjoa⁴⁷i³sen³ta³con²-le⁴ Ni³na¹ ni¹.
 25 Je² cjoa⁴sca¹-le⁴ Ni³na¹ nqui²sa⁴
 chji⁴ne⁴ cao⁴-ni³ tsa² cjoa⁴chji⁴ne⁴-le⁴
 cho⁴ta⁴son³⁷nte³, c⁷oa⁴ cjoa⁴⁷i³nta³-
 le⁴ Ni³na¹ nqui²sa⁴ tjin¹-le⁴
 nca³n⁷ion¹ cao⁴-ni³ tsa² nca³n⁷ion¹-le⁴
 cho⁴ta⁴son³⁷nte³. 26 Ti⁴cja³⁷ai³tsjaon³
 jo³-s⁷in² qui³no²cjoa⁴-no³, nts⁷e³²,
 nca³ tsi² to⁴jo³ ncjin² ma³-nio³ xi³
 chji⁴nao⁴³ jo³-s⁷in² si¹cja³⁷ai³tsjen³
 cho⁴ta⁴son³⁷nte³, nca³ tsi² ncjin²
 xi³ nca³n⁷ion¹ tjin¹-no³, nca³ tsi²
 ncjin² xi³ nc⁷a³ cjoaon³. 27 To⁴sa³
 Ni³na¹ tsa³cja³⁷a¹jin³ je² xi³ sca¹ya³-
 le⁴ i⁴ son³⁷nte³-vi⁴, jme¹-ni³ nca³
 si⁴²soa³-si¹ni³le⁴ je² xi³ chji⁴ne⁴.
 C⁷oa⁴ Ni³na¹ tsa³cja³⁷a¹jin³ je²
 xi³ i³nta³ i⁴ son³⁷nte³-vi⁴, jme¹-
 ni³ nca³ si⁴²soa³-si¹ni³le⁴ je² xi³
 tjin¹-le⁴ nca³n⁷ion¹. 28 C⁷oa⁴ Ni³na¹
 tsa³cja³⁷a¹jin³ je² xi³ yo⁴ma⁴, c⁷oa⁴
 je² xi³ taon³ ⁷ya³ i⁴ son³⁷nte³-vi⁴,
 c⁷oa⁴ je² xi³ tsi² tsa² coi³ tjin¹, jme¹-
 ni³ nca³ si⁴²qui³xo²ya³-ni³ xi³ tjin¹,
 29 jme¹-ni³ nca³ ni⁴jnc³-jin² cho⁴ta⁴
 coan⁴nc⁷a³-ni³con³ nqui³xcon⁴ nca³
 je². 30 Ts⁷e⁴ Ni³na¹ nio¹³ jon² nca³
 ti³yo³cao⁴³ Cristo Jesús. Je² xi³
 Ni³na¹ qui³tsjoa³ nca³ cjoa⁴chji⁴ne⁴-
 na¹ coan³. Je² xi³ qui³si³cje³t⁷a³
 je¹-na¹, c⁷oa⁴ qui³si³tsje³-na¹,
 c⁷oa⁴ tsa³c⁷e¹chji¹ntjai²-na¹.
 31 Coi³ cjoa⁴-vi⁴, jo³-s⁷in² tji¹t⁷a³,

je² xi³ v⁷a³sje³je³ya³ yao³-le⁴,
ca²ta³v⁷a³sje³je³ya³ yao³-le⁴ nca³
ti¹jna³cao⁴ Nai³-na¹.

**Pablo nchja⁴ya³ t⁷a³ts⁷e⁴ Cristo
nca³ qui³s⁷e³t⁷a³ cro²**

2 Nts⁷e³², c⁷ia⁴ nca³ qui³con³-
no³, a³li² cao⁴ en¹nc⁷a³-jin²
qui³con³-no³, ni⁴cao⁴ cjoa⁴chji⁴ne⁴
xi³ nc⁷a³-jin² nca³ qui³tsjoa³-
no³ cjoa⁴qui²xi⁴ xi³ t⁷a³ts⁷e⁴
Cristo. ²Tsi² tsa² cja⁴⁷ai¹ cjoa⁴ xi³
qui³si³cja³⁷ai³tsjen³-sa³ jin³-no³
nca³ jon², to⁴je² Jesucristo, c⁷oa⁴
je² nca³ qui³s⁷e³t⁷a³ cro². ³I³nta³
coan³ cjoan³ an³, qui³tsa³cjoan³,
c⁷oa⁴ jo³ qui³fa³tse¹coa⁴ c⁷ia⁴ nca³
tsa³ca²te⁴jna³cao⁴-no³. ⁴Je² en¹-na⁴
cao⁴ je² cjoa⁴qui²xi⁴ xi³ qui³nchja²ya³
li²coi³ qui³nchja²ya³jin³-no³ cao⁴
cjoa⁴chji⁴ne⁴-le⁴ cho⁴ta⁴ xi³ to⁴xquia⁴
v⁷e¹jnc³-ta³con²³, to⁴nca³ c⁷ia⁴
nca³ qui³nchja²ya³ c⁷oa⁴-s⁷in²
tsa³ca³co³son²tsen³-no³ je² Espiritu
Santo cao⁴ nca³n⁷ion¹-le⁴, ⁵jme¹-
ni³ nca³ tsi² coan⁴cjain¹-si¹ni³no³
to⁴t⁷a³ts⁷e⁴ cjoa⁴chji⁴ne⁴-le⁴ cho⁴ta⁴,
to⁴nca³ to⁴t⁷a³ts⁷e⁴ nca³n⁷ion¹-le⁴
Ni³na¹.

Je² Espiritu Santo va³co¹ya³

⁶To⁴nca³ no²cjoa⁴-ni¹⁴jin⁴
cjoa⁴chji⁴ne⁴ jin³-le⁴ cho⁴ta⁴ xi³
je³coan³jcha¹. Je² cjoa⁴chji⁴ne⁴-vi⁴
li²coi³ ts⁷e⁴ son³⁷nte³-vi⁴ nt⁷ai⁴-
vi⁴, ni⁴ts⁷e⁴ cho⁴ta⁴ti¹tjon² xi³ ts⁷e⁴
son³⁷nte³-vi⁴jin² xi³ cha⁴. ⁷To⁴nca³
no²cjoa⁴-ni¹⁴jin⁴ cjoa⁴chji⁴ne⁴ xi³
ts⁷e⁴ Ni³na¹, xi³ ma³ tjin¹, xi³
ti¹jna³⁷ma³ sa³⁷nta³ nca³sa⁷a⁴, xi³
to⁴nqui³-ni³ nca³ to²ts⁷in³-le⁴ cjoa⁴,
xa¹ tsa³c⁷e¹nta³-ni³ Ni³na¹ xi³ t⁷a³ts⁷e⁴
cjoa⁴je³ya³-na¹. ⁸Ni⁴jnc³-jin²

cho⁴ta⁴ti¹tjon² xi³ ts⁷e⁴ son³⁷nte³-vi⁴
nt⁷ai⁴-vi⁴ coan³cho⁴ya³-le⁴ je²-vi⁴.
Tsa² coan³cho⁴ya³-la²ni³le⁴ tsa²cai³,
li²coi³ tsa³ca¹t⁷a³ cro² Nai³-na¹ xi³
tjin¹-le⁴ cjoa⁴je³ya³ ⁹Tji¹t⁷a³: Cjoa⁴
xi³ tsi² xcon⁴ tsa³ve³-ni³, ni⁴xo⁴no³-
jin² qui³nch⁷oe¹-ni³, ni⁴ni⁴ma⁴-le⁴
cho⁴ta⁴-jin² qui³si³cja³⁷ai³tsjen³-ni³,
cjoa⁴ xi³ Ni³na¹ tsa³c⁷e¹jna³nta³-
ni³ xi³ t⁷a³ts⁷e⁴ je² xi³ tsjoa³que³
nca³ je². ¹⁰Je² cjoa⁴-vi⁴ Ni³na¹
qui³si³c⁷a³tsen³-na¹ xi³ to⁴t⁷a³ts⁷e⁴
Espiritu Santo. Je² Espiritu
Santo nta³ va¹sja³ya³ nca³yi³je³,
nta³ tsa² je² xi³ n⁷ain³ tjin¹ xi³
ts⁷e⁴ Ni³na¹. ¹¹ya¹-ni³ xi³ cho⁴ta⁴
xi³ ve³ cjoa⁴fa³⁷ai³tsjen³-le⁴ xi³
nqui²jnc³ cho⁴ta⁴, to⁴je² espiritu
xi³ ti⁴ts⁷e⁴-ni³ xi³ ti¹jna³jin³-le⁴ nca³
je². C⁷oa⁴-ti⁴s⁷in² ni⁴⁷ya³-jin² xi³
coan³cho⁴ya³-le⁴ cjoa⁴fa³⁷ai³tsjen³-le⁴
Ni³na¹, to⁴je² Espiritu Santo xi³ ts⁷e⁴
Ni³na¹. ¹²A³li² je²-jin² espiritu xi³
ts⁷e⁴ son³⁷nte³ qui³ts⁷ai²-na¹, to⁴nca³
je² Espiritu Santo xi³ ts⁷e⁴ Ni³na¹,
jme¹-ni³ nca³ jcha⁴-si¹nia³² je² cjoa⁴
xi³ Ni³na¹ qui³tsjoa³cjoa⁴tjao²-
na¹. ¹³Je² cjoa⁴-vi⁴ xi³ c⁷oa⁴-s⁷in²
no²cjoa⁴², a³li²coi³ cao⁴ en¹ xi³
cjoa⁴chji⁴ne⁴-le⁴ cho⁴ta⁴ va³co¹ya³-
na¹, to⁴nca³ cao⁴ en¹ xi³ je² Espiritu
Santo va³co¹ya³-na¹. Cao⁴ en¹ xi³
ts⁷e⁴ Espiritu Santo ni²c⁷a³to³ya³²
cjoa⁴ xi³ ts⁷e⁴ Espiritu Santo.
¹⁴Je² cho⁴ta⁴ xi³ to⁴xa¹ cjoan³-
ni³ li²coi³ cjoel je² cjoa⁴ xi³ ts⁷e⁴
Espiritu Santo xi³ ts⁷e⁴ Ni³na¹, nca³
to⁴cjoa⁴sca¹ ma³-le⁴. Li²coi³ ma³
ma³cho⁴ya³-le⁴ nca⁴ to⁴cao⁴ Espiritu
Santo cho²t⁷a³jin³ je² cjoa⁴-ve⁴. ¹⁵Je²
xi³ Espiritu Santo ti¹jna³jin³ ni⁴ma⁴-
le⁴ co³t⁷a³jin³ nca³yi³je³ cjoa⁴, to⁴nca³
li²ya³ xi³ co³t⁷a³ nca³ je². ¹⁶ya¹-ni³

xi³ tsa³ve³ cjoa⁴fa³⁷ai³tsjen³-le⁴ Nai³-na¹. ⁷ya¹ xi³ tsa³ca³co¹ya³-le⁴. To⁴nca³ ña¹ tjin¹-na¹ je² cjoa⁴fa³⁷ai³tsjen³ xi³ ts⁷e⁴ Cristo.

Pa²stro⁴ to⁴jnc³o³ si¹xa¹cao⁴ Ni³na¹

3 An³ li²coi³ coan³-na³ nca³ tsa³cja²cao⁴-no³, nts⁷e³², jo³-ni³ tsa² je² xi³ nta³ si¹tjo³son²-le⁴ Espíritu Santo. To⁴nca³ tsa³cja²cao⁴-no³ jo³-ni³ tsa² xi³ to⁴cho⁴ta⁴son³⁷nte³, jo³-ni³ tsa² xi³ to⁴⁷nti¹xti³ t⁷a³ts⁷e⁴ Cristo. ²Qui³si³c⁷i³-no³ nta¹chi³qui³. Li²coi³ tso³jmi² xi³ ta²ja³ qui³tsjoa³-no³, nca⁴ cje³ coan³-jin²sa³no³, ni⁴nt⁷ai⁴-jin² ma³-no³, ³nca⁴ to⁴jo³ c⁷oa⁴mao³ jo³-ni³ tsa² cho⁴ta⁴son³⁷nte³. Ti¹jna³jin³-no³ cjoa⁴chi⁴ni⁴, cjoa⁴cho³va²ti³ya³-ni³, c⁷oa⁴ ncjin² ya³ ma³-nio³. A³ tsi² tsa² jo³-ni³ cho⁴ta⁴son³⁷nte³ mao³, c⁷oa⁴ ma³nquin¹cao⁴³ yao³-no³ jo³-ni³ tsa² cho⁴ta⁴son³⁷nte³. ⁴To⁴c⁷ia⁴²-ni³ nca³ tjin¹ xi³ c⁷oi⁴coi⁴tso⁴: An³ ts⁷e⁴ Pablo nia¹³, c⁷oa⁴ je² xi³jnc³o³: An³ ts⁷e⁴ Apolos nia¹³, a³ tsi² tsa² to⁴xquia⁴ cho⁴ta⁴son³⁷ntao³. ⁵ya¹-ni³ tso²c⁷oa⁴ Pablo. C⁷oa⁴ ya¹-ni³ Apolos. Cho⁴ta⁴ xi³ si¹xa¹-le⁴ Ni³na¹, xi³ to⁴t⁷a³ts⁷e⁴ nca³ c⁷oa⁴-s⁷in² coan³cjain¹-no³. C⁷oa⁴-s⁷in² Nai³-na¹ qui³tsjoa³-le⁴ xa¹ nca³ jnc³o³jnc³o³. ⁶An³ tsa³c⁷e³ntje²³, Apolos tsa³c⁷e¹jten⁴nqui³-le⁴ na³nta¹, to⁴nca³ Ni³na¹ xi³ qui³si³jcha¹. ⁷Ni⁴je²-jin² xi³ v⁷e¹ntje² xi³ chji¹-le⁴, ni⁴je²-jin² xi³ na³nta¹ v⁷e¹jten⁴nqui³-le⁴, to⁴nca³ Ni³na¹ xi³ si¹jcha¹. ⁸Je² xi³ v⁷e¹ntje², c⁷oa⁴ je² xi³ na³nta¹ v⁷e¹jten⁴nqui³-le⁴, to⁴nc³o¹son² ma³, nta³ tsa² c⁷oi⁴-le⁴ jnc³o³jnc³o³ je² chji¹-le⁴ jo³-s⁷in² coan³ xa¹-le⁴. ⁹Nca³ jin⁴-jin⁴ to⁴jnc³o³ ni²xa¹coai⁴-jin⁴

Ni³na¹, c⁷oa⁴ jon² nio¹³ nte³-le⁴ jña³ nca³ si¹xa¹ Ni³na¹, c⁷oa⁴ jon² nio¹³ nt⁷ia³-le⁴ xi³ v⁷e¹nta³ Ni³na¹.

Nca³ jnc³o³jnc³o³ cho⁴t⁷a³ xa¹-le⁴

¹⁰Jo³-s⁷in² qui³tsjoa³-na³ cjoa⁴nta³ Ni³na¹, jo³-ni³ je² xi³ n⁷ion¹ nta³ ma³-le⁴ v⁷e¹nta³ nt⁷ia³, an³ xi³ tsa³c⁷e³jna²³ xjao¹ja⁴ma⁴, c⁷oa⁴ nqui²jnc³o³ xi³ v⁷e¹nta³son². Jnc³o³jnc³o³ ca²ta³si¹coi²nta⁴ jo³-s⁷in² nca³ v⁷e¹nta³son². ¹¹Ni⁴⁷ya³-jin² xi³ coan⁴-le⁴ c⁷oe⁴²jna³ nqui²jnc³o³ xjao¹ja⁴ma⁴ cao⁴-ni³ tsa² je² xi³ je³ti¹jna³ xi³ coi³ Jesucristo. ¹²Tsa² ya³-ni³ xi³ c⁷oe⁴²nta³son²-ni³ xjao¹ja⁴ma⁴-vi⁴ taon⁴si³ne², taon⁴choa³, la⁴jao⁴chji¹ xi³ na⁴sca¹ cjoan³, ya¹, li⁴ji⁴, xca⁴, ¹³xa¹-le⁴ nca³ jnc³o³jnc³o³ coan⁴tsen³. Je² ni⁴chjin³-ve⁴ si⁴²c⁷a³tsen³ nca³ cao⁴ l⁷i¹ coan⁴tsen³-ni³. Je² l⁷i¹-ve⁴ xi³ sco¹t⁷a³ xa¹-le⁴ nca³ jnc³o³jnc³o³ jo³ cjoan³. ¹⁴Tsa² jnc³o³ xi³ xa¹-le⁴ s⁷e⁴jna³, xi³ c⁷oa⁴-s⁷in² tsa³c⁷e¹nta³son², c⁷oi⁴-le⁴ chji¹-le⁴. ¹⁵Tsa² jnc³o³ xi³ xa¹-le⁴ coi⁴ti⁴, cha⁴ chji¹-le⁴, to⁴nca³ je² cho⁴ta⁴-ve⁴ coi⁴tjo³ntjai²-ni¹, to⁴nca³ jo³-ni³ xi³ coi⁴tjo³jin³-ni³ l⁷i¹. ¹⁶A³ tsi² tsa² ya³ nca³ jon² xi³ nt⁷ia³-le⁴ Ni³na¹ mi²-no³, c⁷oa⁴ je² Espíritu Santo xi³ ts⁷e⁴ Ni³na¹ ti¹jna³jin³ ni⁴ma⁴-no³. ¹⁷Tsa² jnc³o³ xi³ si¹qui³tson¹ je² nt⁷ia³-le⁴ Ni³na¹, Ni³na¹ si⁴²qui³tson¹ nca³ je², nca⁴ nt⁷ia³-le⁴ Ni³na¹ tsje³-ni¹, jña³-le⁴ xi³ coio³ nca³ jon². ¹⁸Ni⁴⁷ya³-jin² xi³ ti⁴je² ca²ta³v⁷e¹na⁴cha⁴-ni³le⁴ yao³-le⁴. Tsa² ya³-ni³ve⁴ jin³-no³ nca³ jon² xi³ to⁴si¹cja³⁷ai³tsjen³jin³ nca³ chji⁴ne⁴ i⁴ son³⁷nte³-vi⁴ nt⁷ai⁴-vi⁴, sca¹ya³ ca²ta³ma³-le⁴, jme¹-ni³ nca³ ña³qui³ chji⁴ne⁴ coan⁴-si¹ni³.

19 Je² cjoa⁴chji⁴ne⁴-le⁴ son³⁷nte³-vi⁴ cjoa⁴sca¹ ni¹ xi³ t'a³ts'e⁴ Ni³na¹, nca⁴ c'oa⁴-s'in² tji¹t'a³: Je² xi³ tsoa⁴ cho⁴ta⁴chji⁴ne⁴ ti⁴c'ia⁴-ni³ nca³ s'in¹ cjoa⁴ma²na⁴-le⁴. 20 Nqui²jnc³c'a² tji¹t'a³: Nai³-na¹ ve³ nca³ je² cjoa⁴fa³⁷ai³tsjen³-le⁴ cho⁴ta⁴chji⁴ne⁴ tsi²jme³ chji¹-le⁴. 21 C'oa⁴-s'in² ni⁴jnc³-jin² xi³ ca²ta³v'a³sje³je³ya³ cho⁴ta⁴, nca⁴ nca³yi³je³ tsaon⁴³ nio¹³. 22 Tsa² Pablo, tsa² Apolos, tsa² Cefas, tsa² je² son³⁷nte³-vi⁴, tsa² cjoa⁴vi³jna³chon³, tsa² cjoa⁴vi³ya³, tsa² je² xi³ nt'ai⁴, tsa² je² xi³ cjoa⁴⁷ai¹, nca³yi³je³ tsaon⁴³ nio¹³. 23 C'oa⁴ jon² ts'e⁴ Cristo nio¹³, c'oa⁴ Cristo ts'e⁴ Ni³na¹ ni¹.

Je² xa¹-le⁴ pa²stro⁴

4 Cho⁴ta⁴ c'oa⁴-s'in² ca²ta³ve³-na³jin⁴ jo³-ni³ tsa² xi³ si¹xa¹-le⁴ Cristo, xi³ si¹coi²nta⁴ cjoa⁴⁷ma³-le⁴ Ni³na¹. 2 Ma³chjen¹ nca³ je² xi³ si¹coi²nta⁴, nca³ jnc³o¹jnc³o¹ n'ion¹t'a³con³ ca²ta³ma³. 3 An³ n'ion¹ choa³ coi²nta⁴-na³ tsa² jon² v'e²nta³jjin³-nao¹³, c'oa⁴ tsa² xi³ cho⁴ta⁴xa¹ v'e¹nta³jjin³-na³. Ni⁴⁷an³-jian²³ v'e³nta³jjin³-le⁴ yao³-na⁴. 4 Nta³ tsa² an³ si³cja³⁷ai³tsjen³ nca³ li²jme³ je¹ tjin¹-na³, li²to⁴coi³-jin² nca³ fe³t'a³ je¹-na⁴. To⁴nca³ je² xi³ v'e¹nta³jjin³-na³, je² Nai³-na¹. 5 Li²jme³ xi³ c'oe¹nta³jion³ nca³ to⁴nqui³-ni³ ni⁴chjin³-le⁴, c'ia⁴² sa³⁷nta³ nca³ cjoa⁴⁷ai¹ Nai³-na¹ xi³ si⁴²⁷i³sen³ xi³ tji¹⁷ma³ jna³ njion² chon³, c'oa⁴ xi³ coa⁴co²son²tсен³ cjoa⁴fa³⁷ai³tsjen³-le⁴ ni⁴ma⁴-na¹. C'ia⁴² Ni³na¹ c'oa⁴sje³je³ya³ nca³ jnc³o¹jnc³o¹. 6 To⁴nca³ je²-vi⁴, nts'e³², qui³xian³ t'a³ts'an⁴, c'oa⁴ t'a³ts'e⁴ Apolos, nca³ c'oa⁴-s'in² tsa²cja³ntia⁴²-

lai²⁴jin⁴ nca³ jon², jme¹-ni³ nca³ cao⁴ jin⁴-jin⁴ cho¹t'a³ya³-si¹nio³ nca³ tsi² nqui²sa⁴ tse³ s'ian⁴-sao³ jo³ tjin¹ xi³ tji¹t'a³, jme¹-ni³ nca³ tsi² nc⁷a³con³ coa⁴nquin¹t'a³-si¹ni³lao⁴³ jnc³o¹ cho⁴ta⁴, c'oa⁴ co²ntran⁴ coa⁴nquin¹-lao⁴³ xi³ cja⁴⁷ai¹. 7 ya¹-ni³ xi³ fa³⁷a¹jin³-li², c'oa⁴ jme¹ xi³ tjin¹-li² xi³ tsi² qui³ts'ai²-li². Tsa² qui³ts'ai²-li², a¹-ni³ nca³ nc⁷a³ ma³-ni³li² jo³-ni³ tsa² xi³ tsi² qui³ts'ai²-li². 8 Je³qui³tsao³, je³nchi⁴nao¹³. Nta³ tsa² tsi² cao⁴ jin⁴-jin⁴ je³va³te²xo³mao³. Jo¹ to⁴nta³ tsa² cjoa⁴qui²xi⁴ nca³ va³te²xo³mao³, jme¹-ni³ nca³ c'oa⁴-ti⁴ jin⁴-jin⁴ to⁴jnc³o¹ cao⁴ jon² coa⁴te²xo³ma³-si¹nia³². 9 Si³cja³⁷ai³tsjen³ an³ nca³ jin⁴-jin⁴ xi³ pa²stro⁴ 'mi²-na³jin⁴, Ni³na¹ tsa³ca³co¹son²tсен³ nca³ jin⁴-jin⁴ xi³ fe³t'a³, jo³-ni³ xi³ cjoa⁴vi³ya³ cji³ne²-na³jin⁴, nca⁴ to⁴cjoa⁴sca¹ coain³⁴-jin⁴ nqui³xcon⁴ son³⁷nte³ cao⁴ a²ncje⁴ cao⁴ cho⁴ta⁴. 10 Sca¹-na³jin⁴ nca³ jin⁴-jin⁴ xi³ t'a³ts'e⁴ Cristo, to⁴nca³ jon² tjin¹-no³ cjoa⁴⁷i³sen³ta³con² nca³ ti³yo³cao⁴³ Cristo. I³nta³jjin³ nca³ jin⁴-jin⁴, to⁴nca³ jon² ta²ja³-nio¹³. Jon² xcon¹ 'ya³-no³, to⁴nca³ jin⁴-jin⁴ ch'ao³ 'ya³-na³jin⁴. 11 Sa³⁷nta³ je² hora-vi⁴ cji³ncha¹-na³jin⁴, c'oa⁴ fa³ti²-na³jin⁴, c'oa⁴ tsin²-na³jin⁴ na³jno³-jin², c'oa⁴ qui³tsin²⁷oain³⁴-jin⁴ nca³ qui³s'e³-na³jin⁴, c'oa⁴ to⁴ti³ma³son²-ni¹⁴jin⁴ nca³ tsin²-na³jin⁴ nt'ia³. 12 Tse³ ni²xa¹-ni³⁴jin⁴ ntsai⁴-jin⁴. C'ia⁴ nca³ ch'ao³ tso²-na³jin⁴, ni²chi³con³t'ain³⁴-jin⁴ nca³ je². C'ia⁴ nca³ si¹cja³⁷a¹-na³jin⁴ cjoa⁴n'ain³, jcho¹cjoa⁴cao⁴-na³jin⁴. 13 C'ia⁴ nca³ nchja⁴⁷aon³-na³jin⁴, nta³ no²cjoa⁴-lai⁴jin⁴. To⁴tje¹-le⁴ son³⁷nte³ je³cji³mai³⁴-jin⁴, jo³-ni³

tsa² nta¹jto³-le⁴ nca³yi³je³ to⁴jme³-ni³ve⁴ sa³⁷nta³ nt⁷ai⁴-vi⁴. ¹⁴Li²coi³ cja³ je²-vi⁴ nca³ si³soa³-no³, to⁴nca³ v⁷e³ne²³-no³ jo³-ni³ tsa² xti³-na⁴ xi³ tsjoa³que⁴. ¹⁵Nta³ tsa² tj¹n¹-no³ te³ jmi³ cho⁴ta⁴ xi³ si¹coi²nta⁴-no³ nca³ ti³yo³cao⁴³ Cristo, li²coi³ ncjin² n⁷ai³ s⁷e³-no³. Nca⁴ ti³yo³cao⁴² Cristo an³ coan³ n⁷ai³-no³ xi³ to⁴t⁷a³ts⁷e⁴ je² en¹nta³ xi³ t⁷a³ts⁷e⁴ Cristo. ¹⁶To⁴coi³ v⁷e³ts⁷oa²³-no³ nca³ chjen¹nqui³-nao¹³. ¹⁷To⁴coi³ cjoa⁴ nca³ qui³si³ca³sen¹³-no³ Timoteo, ⁷nti¹-na⁴ xi³ tsjoa³que⁴, xi³ n⁷ion¹t⁷a³con³ nca³ ti¹jna³cao⁴ Nai³-na¹. Timoteo si⁴²cja³⁷ai³tsjen³j¹n³-no³ xi³ t⁷a³ts⁷e⁴ ntia⁴²-na⁴, jo³-s⁷in² tso²⁷va⁴coa⁴ Cristo, jo³-s⁷in² va³co³ya²³-le⁴ nca³ts⁷i³ cho⁴ta⁴-le⁴ Cristo nca³qui³jnta². ¹⁸Tjin¹ c⁷a³ xi³ nc⁷a³ ma³con³, jo³-ni³ tsa² ni⁴c⁷ia⁴-jin² cjo¹i¹con³-no³ nca³ jon². ¹⁹To⁴nca³ cjo¹i¹con³nti⁴ton⁴-no³, tsa² Nai³-na¹ me³-le⁴, c⁷oa⁴ scoe³-nia¹³ li²coi³ je² en¹-le⁴ xi³ to⁴nc⁷a³con³ tjio¹ma³, to⁴nca³ je² nca³n⁷ion¹-le⁴. ²⁰Je² cjoa⁴te¹xo³ma³-le⁴ Ni³na¹ li²coi³ to⁴cao⁴ en¹-jin² s⁷e³-ni³, to⁴nca³ cao⁴ nca³n⁷ion¹. ²¹Jme¹ xi³ me³-no³. A³ cjo¹i¹con³-no³ cao⁴ ya¹jti³, a³xo⁴ cao⁴ cjoa⁴tjao²cha³, c⁷oa⁴ cao⁴ cjoa⁴nt⁷e¹ta³con².

Pablo tsjoa¹ cjoa⁴qui²xi⁴ xi³ t⁷a³ts⁷e⁴ cjoa⁴cha³jnqui³

5 Xi³ cjoa⁴qui²xi⁴ no²⁷ya²-le⁴ nca³ tj¹n¹ cjoa⁴cha³jnqui³ j¹n³-no³ nca³ jon², to⁴nca³ cjoa⁴cha³jnqui³ xi³ c⁷oa⁴tj¹n¹ xi³ ni⁴ya⁴-jin² tj¹n¹ j¹n³-le⁴ cho⁴ta⁴ xi³ li² judío-jin². C⁷oa⁴-s⁷in² tj¹n¹ jnc³ xi³ ti¹jna³cao⁴ je² chjon⁴²-le⁴ n⁷ai³-le⁴. ²Jon² c⁷oa⁴-s⁷in² nc⁷a³con³ ti³mao³, ni⁴⁷aon³-jin²

coan³-no³, jme¹-ni³ nca³ tjo¹xin²-si¹ni³no³ je² xi³ c⁷oa⁴qui³s⁷in³ coi³ cjoa⁴-vi⁴. ³Xi³ cjoa⁴qui²xi⁴, cjin³ ti²jna⁴-no³, to⁴nca³ ya⁴-cjoan² ti¹jna³-ni³ ni⁴ma⁴-na⁴. Jo³-ni³ tsa² jnc³ xi³ ya⁴ ti¹jna³, je³tsa³c⁷e³nta³j¹n³-le⁴ je² xi³ c⁷oa⁴qui³s⁷in³ cjoa⁴-vi⁴. ⁴Cao⁴ jan³⁷ain¹-le⁴ Nai³-na¹ Jesucristo je³tsa³c⁷e³nta³j¹n³-le⁴. C⁷ia⁴ nca³ coan⁴ñao³ nca³ jon², c⁷oa⁴ nca³ je² ni⁴ma⁴-na⁴ ya⁴ ti¹jna³, cao⁴ je² nca³n⁷ion¹-le⁴ xi³ ts⁷e⁴ Nai³-na¹ Jesucristo ⁵ca²t⁷ai²ain³-le⁴ je² Satanás cho⁴ta⁴-ve⁴ nca³ coi⁴ya² yao³jchi¹nca³-le⁴, jme¹-ni³ nca³ je² espíritu-le⁴ coi⁴tjo³ntjai²-si¹ni³ c⁷ia⁴ ni⁴chjin³-le⁴ Nai³-na¹ Jesús. ⁶Li²coi³ nta³-ni³ nca³ yao³-no³ n⁷o²sje³nc⁷ao³. A³ tsi² tsa² ⁷yao³, nta³ tsa² to⁴choa³ na⁴⁷yo⁴san³, si¹san³ nca³yi³je³ na⁴⁷yo⁴. ⁷Ti⁴tsje³yao³ tso²c⁷oa⁴ je² na⁴⁷yo⁴san³ xi³ jchi¹nca³, jme¹-ni³ nca³ na⁴⁷yo⁴cho⁴tse⁴ coan⁴-si¹nio³, nca³ jon² li²coi³ na⁴⁷yo⁴san³ coaon³. Je² pa²xco⁴-na¹, xi³ je² Cristo, c⁷oa⁴-s⁷in² qui³ts⁷ai²t⁷a³-le⁴ cro² xi³ t⁷a³tsan⁴². ⁸C⁷oa⁴-s⁷in² ch⁷a⁴sje³² s⁷oi¹, li²coi³ cao⁴ je² na⁴⁷yo⁴san³ xi³ jchi¹nca³, ni⁴je²-jin² na⁴⁷yo⁴san³ xi³ cjoa⁴fa³⁷ai³tsjen³ ts⁷en⁴ xi³ s⁷in¹ cjoa⁴ts⁷en⁴, to⁴nca³ cao⁴ nio⁴xti²la⁴ xi³ tsin²-le⁴ na⁴⁷yo⁴san³-jin², xi³ ña³qui³ c⁷oa⁴tj¹n¹, c⁷oa⁴ xi³ cjoa⁴qui²xi⁴. ⁹C⁷oa⁴-s⁷in² qui³squi³-no³ cao⁴ xon⁴-na⁴, nca³ tsi² tsa² ma³nquin¹t⁷a³-lao⁴³ xi³ si¹cha³jnqui³. ¹⁰Nta³ tsa² sa³c⁷oa⁴ ma³chjen¹ nca³ cha²cao⁴³, ni⁴⁷i⁴tse¹-jin² ma³nquin¹t⁷a³-lao⁴³ je² xi³ si¹cha³jnqui³ xi³ i⁴ ts⁷e⁴ son³⁷nte³, a³xo⁴ cao⁴ xi³ xin²con³, a³xo⁴ cao⁴ xi³ che¹, a³xo⁴ cao⁴ xi³ xco¹son² ve³xcon¹. Coan⁴chjen¹-no³ nca³

coi²tjo⁴³ son³⁷n^{te}-vi⁴, tsa² t'a³xin²
 coi⁴yo³-lao⁴³. ¹¹To⁴nca³ coi³-vi⁴
 c'oa⁴-s'in² qui³squi³-no³, nca³ tsi²
 tsa² ma³nquin¹t'a³-lao⁴³ tsa² jnco³
 xi³ nts⁷e³² cho³va^o²³, xi³ c'oa⁴-
 s'in² cha³jnqui³, a³xo⁴ xi³ xin²con³,
 a³xo⁴ xi³ xco¹son² ve³xcon¹,
 a³xo⁴ xi³ nchja⁴⁷aon³, a³xo⁴ xi³
 cho⁴ta⁴ch⁷i⁴, a³xo⁴ xi³ che¹, cao⁴
 je² xi³ c'oa⁴cjoan³ ni⁴vi³chi³cao⁴-
 jion²³. ¹²Jme¹ xi³ v'a³cao⁴-na³
 nca³ an³ nca³ v'e³nta³jⁱⁿ³-le⁴ je²
 xi³ t'a³xin² tjio¹. A³ tsi² tsa² je² xi³
 to⁴jnco³ tjio¹cao⁴-no³ xi³ tjⁱⁿ¹-ni³
 nca³ v'e²nta³jⁱⁿ³-lao⁴³. ¹³Je² xi³
 t'a³xin² tjio¹, Ni³na¹ v'e¹nta³jⁱⁿ³-
 le⁴. Chja⁴⁷a²xion²³ tso²c'oa⁴ je²
 cho⁴ta⁴ts'en⁴ xi³ ti¹jna³jⁱⁿ³-no³ nca³
 jon².

**Ca²ta³v'e¹nta³jⁱⁿ³-le⁴ xi¹ncjin¹
 cho⁴ta⁴-le⁴ Cristo**

6 Tsa² jnco³ xi³ jⁱⁿ³-no³ nca³
 jon² xi³ tjⁱⁿ¹ i⁴tse¹-le⁴ cjoa⁴
 cao⁴ xi³jnco³, a³ coan⁴n'ion¹con³
 nca³ coi⁴con³-le⁴ cjoa⁴-te¹xo³ma³
 xi³ ts⁷e⁴ je² xi³ tsi² qui²xi⁴ tjio¹ma³,
 c'oa⁴ nca³ tsi² nqui³xcon⁴ cho⁴ta⁴-
 le⁴ Cristo. ²A³ tsi² tsa² yao³ nca³ je²
 cho⁴ta⁴-le⁴ Cristo tjⁱⁿ¹-ni³le⁴ nca³
 c'oe⁴²nta³jⁱⁿ³-le⁴ son³⁷n^{te}. C'oa⁴
 tsa² je² son³⁷n^{te}-vi⁴ s'e⁴nta³jⁱⁿ³-le⁴
 xi³ to⁴t'a³tsaon⁴³, a³ tsi² va³quin²-
 no³ nca³ c'oe¹nta³jⁱⁿ³-lao⁴³ cjoa⁴
 xi³ choa³ tjⁱⁿ¹. ³A³ tsi² yao³ nca³
 ña¹ c'oa⁴-s'in² c'oe¹nta³jⁱⁿ³-le⁴²
 je² a²ncje⁴. Jo¹ to⁴nqui²sa⁴-sa³
 c'oa⁴s'ian⁴² cao⁴ je² cjoa⁴ xi³ ts⁷e⁴
 son³⁷n^{te}-vi⁴ n⁷ai⁴-vi⁴. ⁴Coi³, tsa²
 tjⁱⁿ¹-no³ cjoa⁴ xi³ ts⁷e⁴ son³⁷n^{te}-
 vi⁴ n⁷ai⁴-vi⁴, je² xi³ nqui²sa⁴
 na³nqui³ tjio¹ ya⁴jⁱⁿ³-le⁴ cho⁴ta⁴-
 le⁴ Cristo, a³ je² xi³ ni²qui³nchao¹³

nca³ c'oe⁴²nta³jⁱⁿ³ cjoa⁴ je²-vi⁴.
⁵Coi³ c'oa⁴xin³-nia³ nca³ si³soa³-
 no³. A³ tsi² tsa² tjⁱⁿ¹jnco³-no³ xi³
 chj⁴ne⁴, a³ ni⁴to⁴jnco³-jⁱⁿ² xi³
 coan⁴-le⁴ nca³ c'oe⁴²nta³jⁱⁿ³-le⁴
 nts⁷e³². ⁶To⁴nca³ ti⁴nts⁷e⁴ ti⁴nts⁷e⁴-
 ni³ fi²co²ntran⁴-le⁴ xi¹ncjin¹
 nqui³xcon⁴ cjoa⁴te¹xo³ma³, nta³
 tsa² nqui³xcon⁴ xi³ tsi² ma³cjain¹-
 le⁴. ⁷Xi³ cjoa⁴qui²xi⁴ ña³qui³ ch⁷ao³
 n⁷iaon²³ nca³ c'oa⁴-s'in² tjⁱⁿ¹-no³
 cjoa⁴cha³jnqui³ya³ jⁱⁿ³-le⁴ xi²nquio⁴³.
 A¹-ni³ nca³ tsi² to⁴sa³ si⁴cjain¹-
 si¹ni³lao⁴³ cjoa⁴ts'en⁴. A¹-ni³ nca³
 tsi² to⁴sa³ si⁴cjain¹-si¹ni³lao⁴³ nca³
 ch⁷a²na⁴cha⁴-no³. ⁸To⁴nca³ jon²
 c'oa⁴-s'in² n⁷iaon²³ cjoa⁴ts'en⁴,
 c'oa⁴ ch⁷a²na⁴cha⁴-lao⁴³, nta³ tsa²
 nts⁷ao³. ⁹A³ tsi² tsa² yao³ nca³ je²
 xi³ tsin²-le⁴ cjoa⁴qui²xi⁴-jⁱⁿ² li²coi³
 s⁷e⁴cjoa⁴tjao²-le⁴ cjoa⁴te¹xo³ma³-le⁴
 Ni³na¹. A³li² ch⁷a²na⁴cha⁴-jⁱⁿ²no³.
 Ni⁴je²-jⁱⁿ² xi³ cha³jnqui³, ni⁴je²-jⁱⁿ²
 xi³ xco¹son² ve³xcon¹, ni⁴je²-jⁱⁿ²
 xi³ si¹cha³jnqui³t'a³-le⁴ chjon⁴².
 le⁴ a³xo⁴ x'in⁴-le⁴, ni⁴je²-jⁱⁿ² x'in⁴
 xi³ ti⁴je² c'oa⁴si¹cao⁴-ni³ yao³-le⁴,
 ni⁴je²-jⁱⁿ² x'in⁴ xi³ ti⁴x'in⁴ xi¹ncjin¹
 fa³yo³cao⁴-ni³, ¹⁰ni⁴je²-jⁱⁿ² xi³ che¹,
 ni⁴je²-jⁱⁿ² xi³ xin²con³, ni⁴je²-jⁱⁿ²
 xi³ ch⁷i⁴, ni⁴je²-jⁱⁿ² xi³ nchja⁴⁷aon³,
 ni⁴je²-jⁱⁿ² xi³ si¹che¹son²,
 s⁷e⁴cjoa⁴tjao²-le⁴ cjoa⁴te¹xo³ma³-le⁴
 Ni³na¹. ¹¹C'oa⁴coan³ cjoaon³ c'ao³.
 To⁴nca³ je³tsa³ca³ne²yao³ yao³-no³,
 je³coan³tsje³yao³, je³je³t'a³ je¹-no³,
 cao⁴ je² jan³⁷ain¹-le⁴ je² Nai³-na¹
 Jesucristo, c'oa⁴ xi³ to⁴t'a³ts⁷e⁴ je²
 Espiritu Santo xi³ ts⁷e⁴ Ni³na¹-na¹.

Cao⁴ yao³-no³ ch⁷a⁴sje³je³yao³ Ni³na¹

¹²Nca³yi³je³ tjo³⁷n^{te}-na³, to⁴nca³
 li²coi³ nca³yi³je³ nta³ ma³chjen¹-

na³. Nca³yi³je³ tjo³⁷nte³-na³, to⁴nca³
 an³ li²coi³ na³nqui³ coa²te⁴jna³-le⁴
 nca³n⁷ion¹-le⁴. ¹³Je² tso³jmi² xi³
 chi³ne³, coi³ xi³ t⁷a³ts⁷e⁴ nts⁷oa³²,
 c⁷oa⁴ je² nts⁷oa³² xi³ t⁷a³ts⁷e⁴ je²
 tso³jmi² xi³ chi³ne³. To⁴nca³ Ni³na¹
 si⁴²xo²ya³ nca³ jao². Je² yao³-na¹
 li²coi³ xi³ t⁷a³ts⁷e⁴ je² cjoa⁴cha³jnqui³,
 to⁴nca³ xi³ t⁷a³ts⁷e⁴ je² Nai³-na¹, c⁷oa⁴
 je² Nai³-na¹ xi³ t⁷a³ts⁷e⁴ je² yao³-
 na¹. ¹⁴Ni³na¹ xi³ qui³sco²mi³tjen⁴
 je² Nai³-na¹, c⁷oa⁴-ti⁴ ña¹-je⁴
 sco¹mi³tjen⁴-ni³na¹ cao⁴ nca³n⁷ion¹-
 le⁴. ¹⁵A³ tsi² tsa² ⁷yao³ nca³ je²
 yao³-no³ ts⁷e⁴ Cristo. A³ cjoa³⁷a²xin²-
 nia¹³ tso²c⁷oa⁴ je² xi³ ts⁷e⁴ Cristo,
 nca³ ts⁷e⁴ chjon⁴²cha³jnqui³ s⁷ian³.
 Ni⁴c⁷ia³-jin². ¹⁶A³xo⁴ tsi² tsa² ⁷yao³
 nca³ je² xi³ chjon⁴²cha³jnqui³
 v²e²jna³cao⁴, c⁷oa⁴-s⁷in² to⁴jnc³
 yao³ ma³ cao⁴ je², nca³ c⁷oa⁴tso²:
 Nca³ jao² c⁷oa⁴-s⁷in² to⁴jnc³ yao³
 coan⁴. ¹⁷To⁴nca³ je² xi³ v²e²jna³cao⁴
 je² Nai³-na¹, to⁴jnc³ espíritu ma³.
¹⁸Ti⁴ncha³xin²-lao⁴³ cjoa⁴cha³jnqui³.
 To⁴jña³-sa³ni³le⁴ je¹ xi³ va³jnqui³
 jnc³ x⁷in⁴, li²coi³ va³jnqui³ je¹
 xi³ t⁷a³ts⁷e⁴ yao³-le⁴, to⁴nca³ je²
 xi³ si¹cha³jnqui³, va³jnqui³ je¹ xi³
 ti⁴t⁷a³ts⁷e⁴-ni³ yao³-le⁴. ¹⁹A³xo⁴
 tsi² tsa² ⁷yao³ nca³ je² yao³-no³
 nt⁷ia³-le⁴ Espíritu Santo ni¹, je² xi³
 ti¹jna³jin³-no³ nca³ jon², jña³-le⁴ xi³
 ts⁷e⁴ Ni³na¹ tjin¹-ni³no³, c⁷oa⁴ nca³
 tsi² ti⁴tsaon⁴³-nio³ nca³ jon². ²⁰Chji¹
 tsa³qui³nta³-ni³no³. Ch⁷a⁴sje³je³yao³
 Ni³na¹ tso²c⁷oa⁴. Ch⁷a⁴sje³je³yao³
 cao⁴ yao³-no³ c⁷oa⁴ cao⁴ espíritu-no³,
 jña³-le⁴ xi³ coi³ ts⁷e⁴ Ni³na¹.

Xi³ t⁷a³ts⁷e⁴ cjoa⁴vi³xan³

7 Xi³ t⁷a³ts⁷e⁴ cjoa⁴ xi³ qui³chji³-
 ni³nao¹³, nta³ tjin¹-ni³le⁴ je²

x⁷in⁴ nca³ tsi² tsa² chjon⁴² si⁴²cao⁴.
²To⁴nca³ coi³ nca³ tse³ tjin¹
 cjoa⁴cha³jnqui³, nca³ jnc³o¹jnc³o¹
 ca²ta³s⁷e³-le⁴ chjon⁴²-le⁴, c⁷oa⁴ nca³
 jnc³o¹jnc³o¹ ca²ta³s⁷e³-le⁴ x⁷in⁴-le⁴. ³Je²
 x⁷in⁴ jo³-s⁷in² tjin¹ne²-le⁴
 cjoa⁴vi³xan³, c⁷oa⁴-s⁷in² nta³
 ca²ta³si¹cao⁴ chjon⁴²-le⁴, c⁷oa⁴-
 ti⁴s⁷in²ni³ je² chjon⁴² cao⁴ x⁷in⁴-le⁴.
⁴Je² chjon⁴² li²coi³ va³te¹xo³ma³-le⁴
 xi³ ti⁴ts⁷e⁴-ni³ yao³, to⁴je² x⁷in⁴-le⁴ xi³
 va³te¹xo³ma³-le⁴. Ti⁴c⁷oa⁴-s⁷in²ni³ je²
 x⁷in⁴ li²coi³ va³te¹xo³ma³-le⁴ xi³
 ti⁴ts⁷e⁴-ni³ yao³, to⁴je² chjon⁴²-le⁴ xi³
 va³te¹xo³ma³-le⁴. ⁵A³li² mai³-jin²
 vi³xon¹-lao⁴³ xi²nquio⁴³, tsa² tsi²
 to⁴c⁷ia³-ni³ ni⁴chjin³ nca³
 tjio¹cjao²jco³, jme¹-ni³ nca³ to⁴sa³
 c⁷oe¹ts⁷oa³-si¹nio³. C⁷ia⁴
 nqui²jnc³c⁷a² ña³qui³ coi⁴yo³cao⁴³
 xi²nquio⁴³ nca³ to⁴jnc³o³ coan⁴³,
 jme¹-ni³ nca³ tsi² tsa² Satanás
 si⁴²cao⁴-si¹ni³no³ xi³ t⁷a³ts⁷e⁴ nca³
 li²coi³ chjoe¹xco¹ yao³-no³. ⁶To⁴nca³
 je²-vi⁴ c⁷oa⁴xian³ nca³ tsjoa³⁷nte³,
 li²coi³ nca³ c⁷oa⁴-s⁷in² va³te³xo³ma²³.
⁷Me³-na³ nca³ nca³ts⁷i³ xi³ x⁷in⁴,
 c⁷oa⁴coan⁴ cjoan³ jo³-ni³ tsa² an³,
 to⁴nca³ jnc³o¹jnc³o¹ tjin¹-le⁴ xi³ ts⁷e⁴
 cjoa⁴tjao²-le⁴ Ni³na¹, jnc³o³ xi³
 c⁷oa⁴s⁷in¹, jnc³o³ xi³ cja⁴⁷ai¹ s⁷in¹.
⁸C⁷oa⁴xin³-le⁴ tso²c⁷oa⁴ je² xi³ tjio¹
 to⁴je², c⁷oa⁴ xi³ je³c⁷en³ x⁷in⁴-le⁴, nca³
 nta³ tjin¹-le⁴ tsa² c⁷oi⁴-s⁷in² coa⁴tio⁴
 jo³-s⁷in² nca³ an³. ⁹Tsa² tsi² coan⁴-le⁴
 cjoe¹xco¹ yao³-le⁴, to⁴sa³
 ca²ta³vi³xan³. Nqui²sa⁴ nta³ nca³
 coi⁴xan³ cao⁴-ni³ tsa² yao³-le⁴
 si⁴²sjoe²ya³-le⁴. ¹⁰To⁴nca³ an³
 v⁷e³ne²³-le⁴ je² xi³ to⁴jnc³o³ tjio¹ nca³
 je³chi³xan³, a³li² an³-jian²³ to⁴nca³
 je² Nai³-na¹: Je² chjon⁴² a³li²
 va³sen²t⁷a³xin²-jin²le⁴ x⁷in⁴-le⁴. ¹¹Tsa²

coa⁴sen⁴t⁷a³xin², c⁷oa⁴-s⁷in²
ca²t⁷e²jna³ nca³ tsi² tsa² coi⁴xan³,
a³xo⁴ ca²ta³fao¹nta³-ni³
nqui²jnc³a² cao⁴ x⁷in⁴-le⁴. C⁷oa⁴ je²
xi³ x⁷in⁴ a³li² tsjion¹-jin² je² chjon⁴²-
le⁴. ¹²Je² xi³c⁷a³ an³ c⁷oa⁴xin³-le⁴,
li²coi³ je² Nai³-na¹. Tsa² jnc³ nts⁷e³²
xi³ tjin¹-le⁴ chjon⁴² xi³ tsi² ma³cjain¹-
le⁴, c⁷oa⁴ tsa² je² chjon⁴² ma³me³con³
nca³ v⁷e²jna³cao⁴, a³li² tsjion¹-jin².
¹³C⁷oa⁴ je² chjon⁴² xi³ tjin¹-le⁴ x⁷in⁴
xi³ tsi² tsa² ma³cjain¹-le⁴, c⁷oa⁴ tsa²
je² x⁷in⁴ ma³me³con³ nca³
v⁷e²jna³cao⁴, c⁷oa⁴-ti⁴ li² tsjion¹-jin².
¹⁴Je² x⁷in⁴ xi³ tsi² tsa² ma³cjain¹-le⁴,
c⁷oa⁴-s⁷in² cho⁴ta⁴-le⁴ Cristo ma³ xi³
to⁴t⁷a³ts⁷e⁴ chjon⁴²-le⁴, c⁷oa⁴ je²
chjon⁴² xi³ tsi² tsa² ma³cjain¹-le⁴
c⁷oa⁴-s⁷in² cho⁴ta⁴-le⁴ Cristo ma³ xi³
to⁴t⁷a³ts⁷e⁴ x⁷in⁴-le⁴. Tsa² tsin²-la²ni³
c⁷oa⁴-s⁷in², je² xti³-no³ to⁴jnti¹ coan⁴
cjoan³, to⁴nca³ nt⁷ai⁴ cho⁴ta⁴-le⁴
Cristo ma³. ¹⁵Tsa² je² xi³ tsi²
ma³cjain¹-le⁴ coa⁴sen⁴t⁷a³xin²,
ca²ta³va³sen²t⁷a³xin². Tsa² c⁷oa⁴-s⁷in²
tjin¹ cjoa⁴, je² nts⁷e³² a³xo⁴ ti³chja³²
li²coi³ tjin¹ne²-le⁴ nca³ coa⁴tio⁴cao⁴
xi³ tsi² ma³cjain¹-le⁴. To⁴sa³ Ni³na¹
qui³nchja⁴-na¹ nca³ nch⁷an¹
coi⁴yoa³². ¹⁶Jo¹-s⁷in² ya³-ni³ ji³
chjon⁴² tsa² tsi² c⁷oa⁴-s⁷in²
ch⁷a⁴sje³ntjai² x⁷in⁴-li⁴, a³xo⁴ jo¹-s⁷in²
ya³-ni³ ji³ x⁷in⁴ tsa² tsi² c⁷oa⁴-s⁷in²
ch⁷a⁴sje³ntjai² chjon⁴²-li⁴. ¹⁷Jo³-s⁷in²
nca³ je² Nai³-na¹ qui³si³c⁷a³vi¹-le⁴
nca³ jnc¹jnc¹, c⁷oa⁴ jo³-s⁷in² nca³
Ni³na¹ qui³nchja⁴-le⁴ nca³ jnc¹jnc¹,
c⁷oa⁴-s⁷in² ca²t⁷e¹ma³. C⁷oa⁴-s⁷in²
v⁷e³ne²³-le⁴ nca³ts⁷i³ cho⁴ta⁴-le⁴
Cristo. ¹⁸A³ tjin¹ c⁷a³ xi³ je³coan³-le⁴
cjoa⁴circuncisión nca³ qui³no²cjoa⁴-
le⁴. C⁷oa⁴-s⁷in² ca²ta³v⁷e²jna³. A³ tjin¹
c⁷a³ xi³ cje³ ma³-jin²le⁴

cjoa⁴circuncisión nca³ qui³no²cjoa⁴-
le⁴. A³li² cjoa⁴circuncisión-jin²
va¹sjai³. ¹⁹Je² cjoa⁴circuncisión
li²jme³-jin². Je² xi³ tsi²
cjoa⁴circuncisión, c⁷oa⁴-ti⁴ li²jme³-
jin². To⁴je² xi³ chji¹-le⁴ nca³
ni²tjo³son²-le⁴² cjoa⁴te¹xo³ma³-le⁴
Ni³na¹. ²⁰Jnc¹jnc¹ jo³-s⁷in² tjio¹
c⁷ia⁴ nca³ qui³no²cjoa⁴-le⁴, c⁷oa⁴-s⁷in²
ca²t⁷e²yo³. ²¹A³ ji³ qui³no²cjoa⁴-li²
nca³ cho⁴⁷nta³ mai³. A³li² c⁷oa⁴-jin²
ma³-li². To⁴nca³ tsa² c⁷oa⁴-ti⁴ coan⁴-
li² nca³ coi⁴jna³ntai¹, to⁴sa³ nta³ nca³
coi³ ti⁴chjain¹³. ²²Je² xi³
qui³no²cjoa⁴-le⁴ nca³ ti¹jna³cao⁴
Nai³-na¹ nca³ cho⁴⁷nta³ ma³,
ti¹jna³ntai¹ nca⁴ ts⁷e⁴ Nai³-na¹.
C⁷oa⁴-ti⁴s⁷in²ni³ je² xi³ c⁷oa⁴-s⁷in²
qui³no²cjoa⁴-le⁴ nca³ ti¹jna³ntai¹
cho⁴⁷nta³-le⁴ Cristo ni¹. ²³Chji¹
tsa³qui³nta³-ni³no³, a³li² cho⁴⁷nta³-le⁴
cho⁴ta⁴-jin² mao³. ²⁴Nca³ jnc¹jnc¹,
nts⁷e³², jo³-s⁷in² qui³no²cjoa⁴-le⁴,
c⁷oa⁴-s⁷in² ca²t⁷e²yo³cao⁴ Ni³na¹.
²⁵To⁴nca³ xi³ t⁷a³ts⁷e⁴
ya¹nchjin¹xo³nc¹, tsin²-na³
cjoa⁴te¹xo³ma³ xi³ ts⁷e⁴ Nai³-na¹.
To⁴nca³ c⁷oa⁴-s⁷in² co³son²-le⁴ an³,
jo³-ni³ tsa² jnc³ xi³
qui³cho²tjen⁴nqui³ cjoa⁴ma⁴ta³con²-
le⁴ Nai³-na¹ nca³ n⁷ion¹t⁷a³con³ ma³.
²⁶To⁴t⁷a³ts⁷e⁴ je² cjoa⁴n⁷ain³ xi³ tjin¹
nt⁷ai⁴-vi⁴, si³cja³⁷ai³tsjen³-nia¹³ nca³
nta³-ni³ tsa² cho⁴ta⁴ c⁷oa⁴-s⁷in²
ca²ta³tio² jo³-s⁷in² tjio¹. ²⁷A³
je³chi³xan³coai⁴ chjon⁴². A³li²
ma³sjai³-jin²li² nca³ coi⁴njioin¹³. A³
cje³ vi³xan³cao⁴-jin² chjon⁴². A³li²
chjon⁴²-jin² vi³jnchi³-lai⁴ yo³-li⁴.
²⁸To⁴nca³ tsa² coi⁴xan³coai⁴ chjon⁴²,
a³li² je¹-jin² xi³ vi³jnchi³. C⁷oa⁴ tsa²
je² chjon⁴²xo³nc¹ coi⁴xan³, a³li²
je¹-jin² xi³ va³jnqui³. To⁴nca³ je² xi³

c'oa⁴s'in¹, s'e⁴-le⁴ cjoa⁴n'ain³ yao³-le⁴,
to⁴nca³ an³ cjoa³⁷a³xin²-no³ je²
cjoa⁴n'ain³-vi⁴. ²⁹Je²-vi⁴ xi³
c'oa⁴xian³ nts'e³², nca³ je² ni⁴xhjin³
choa³ ni¹. Je² ni⁴xhjin³ xi³ cha³-sa³,
je² xi³ tjin¹-le⁴ ya¹nchjin¹, c'oa⁴-s'in²
ca²ta³tio¹ jo³-ni³ je² xi³ tsin²-le⁴.
³⁰C'oa⁴ je² xi³ cji³⁷ntia¹va³ jo³-ni³ je²
xi³ tsi² cji³⁷ntia¹va³. C'oa⁴ je² xi³
tjin¹-le⁴ cjoa⁴tsjoa³ jo³-ni³ je² xi³
tsin²-le⁴ cjoa⁴tsjoa³. C'oa⁴ je² xi³
va³tse³ jo³-ni³ je² xi³ tsi²jme³ tjin¹-
le⁴. ³¹C'oa⁴ je² xi³ si¹chjen¹ xi³ ts'e⁴
son³⁷nte³ jo³-ni³ je² xi³ tsi² tsa² n'ion¹
si¹chjen¹, nca⁴ je² xi³ ma³tsen³
son³⁷nte³-vi⁴ to⁴fa³⁷a³to³ ni¹. ³²
Me³-na³ nca³ c'oa⁴-s'in² coi⁴yo³ nca³
tsi²jme³ xi³ jo³ ma³-no³. Je² x'in⁴ xi³
ti¹jna³c'an², to⁴coi³ xi³ c'oa⁴ma³-le⁴
je² cjoa⁴ xi³ ts'e⁴ Nai³-na¹, jo³-s'in²
nca³ nta³ si¹tsjoa³-le⁴ Nai³-na¹.
³³To⁴nca³ je² xi³ je³chi³xan³, to⁴coi³
xi³ c'oa⁴ma³-le⁴ cjoa⁴-le⁴ son³⁷nte³,
jo³-s'in² nca³ nta³ si¹tsjoa³ya³-le⁴
chjon⁴²-le⁴. ³⁴C'oa⁴-ti⁴s'in²ni³ nca³
cja⁴⁷ai¹-s'in² tjio¹ cao⁴ je² chjon⁴² xi³
je³chi³xan³ cao⁴ je² chjon⁴²xo³nco¹.
Je² chjon⁴²xo³nco¹ nqui²sa⁴
c'oa⁴ma³-le⁴ je² cjoa⁴ xi³ ts'e⁴ Nai³-
na¹, jme¹-ni³ nca³ tsje³ coan⁴-si¹ni³
cao⁴ yao³-le⁴, jo³-ni³ cao⁴ espíritu-le⁴.
To⁴nca³ je² chjon⁴² xi³ je³chi³xan³,
to⁴coi³ xi³ c'oa⁴ma³-le⁴ cjoa⁴-le⁴
son³⁷nte³, jo³-s'in² nca³ nta³
si¹tsjoa³ya³-le⁴ x'in⁴-le⁴. ³⁵Je²-vi⁴
c'oa⁴xin³-no³, jme¹-ni³ nca³ nta³
coi⁴yo³-si¹nio³, li²coi³ nca³
si³qui³ncha¹t'a³n'ion¹-no³, to⁴nca³
jme¹-ni³ nca³ nta³ coi⁴ma³-si¹nio³,
c'oa⁴ nca³ nta³ si⁴sin³-si¹ni³lao⁴³
Nai³-na¹, nca³ tsi² tsa² jme³ xi³
coa⁴te²chjoa²-no³. ³⁶Tsa² jnco³ xi³
ch'a³o³ tjin¹-ni³le⁴ cjoa⁴ nca³ to⁴jo³

cje³ vi³xan³-jin² tso²ti³-le⁴ nta³ tsa²
je³coan³jchi¹nca³, c'oa⁴ tsa² nta³
tjin¹-ni³ nca³ c'oa⁴coan⁴, c'oa⁴
ca²ta³s'in¹ jo³-s'in² nca³ me³-le⁴. A³¹li²
je¹-jin² va³jnqui³. Ca²ta³vi³xan³.
³⁷To⁴nca³ je² xi³ n'ion¹ qui²xi⁴ tjin¹
ni⁴ma⁴-le⁴, c'oa⁴ nca³ tsi²jme³
cjoa⁴n'ion¹ tjin¹-le⁴, to⁴nca³ tjin¹-le⁴
²nte³ jo³-s'in² me³-le⁴, c'oa⁴ nta³
qui³sco³son²-le⁴ ja⁴jjin³ ni⁴ma⁴-le⁴
je²-vi⁴, nca³ c'oa⁴-s'in² nta³
ti¹jna³tjao²-le⁴ je² tso²ti³xo³nco¹-le⁴,
nta³ s'in¹. ³⁸C'oa⁴-s'in² nca³ je² xi³
si¹qui³xan³, nta³ s'in¹, c'oa⁴ je² xi³
tsi² tsa² tsjoa¹ nca³ vi³xan³, to⁴sa³
nqui²sa⁴ nta³ s'in¹. ³⁹Je² chjon⁴² xi³
je³chi³xan³, c'oa⁴-s'in²
ti¹jna³n'ion¹t'a³-le⁴ x'in⁴-le⁴, c'ia⁴
nca³ ti¹jna³con³-sa³ x'in⁴-le⁴, to⁴nca³
tsa² je² x'in⁴-le⁴ coi⁴ya², ti¹jna³ntai¹.
Ca²ta³vi³xan³cao⁴ to⁴ya³-ni³ xi³
me³-le⁴, tsa² nca³ tjio¹cao⁴ Nai³-na¹.
⁴⁰To⁴nca³ nqui²sa⁴ to⁴nta³-le⁴ tsa²
to⁴c'oa⁴-s'in² c'oe¹jna³, jo³-s'in²
co³son²-le⁴ an³. C'oa⁴
si³cja³⁷ai³tsjen³-nia¹³ nca³ c'oa⁴-ti⁴
tjin¹-na³ je² Espíritu Santo xi³ ts'e⁴
Ni³na¹.

Tso³jmi² xi³ v'ai²t'a³-le⁴ xco¹son²

8 Xi³ t'a³ts'e⁴ je² tso³jmi² xi³
v'ai²t'a³-le⁴ xco¹son², ya³-
nia¹ nca³ nca³ts'ia³² tjin¹-na¹
cjoa⁴chji⁴ne⁴. Je² cjoa⁴chji⁴ne⁴
si¹nc'a³con³, to⁴nca³ je²
cjoa⁴tjao²cha³ si¹quin³nc'a³.
²Tsa² jnco³ xi³ ma³jjin³con³ nca³
ma³cho⁴ya³-le⁴, cje³ jme³-jin² xi³
ve³, jo³-s'in² tjin¹-ni³ nca³ scoe⁴.
³To⁴nca³ tsa² jnco³ xi³ tsjoa³que³
Ni³na¹, Ni³na¹ xi³ nta³ ve³ nca³
je². ⁴Xi³ t'a³ts'e⁴ je² tso³jmi² xi³
ma³chi³ne³ xi³ v'ai²t'a³-le⁴ xco¹son²,

⁷ya³-nia¹ nca³ je² xco¹son² ni⁴jme³-
 jin² i⁴ son³⁷nte³-vi⁴, nca³ tsi² tsa²
 tjin¹-sa³ xi³ cja⁴⁷ai¹, to⁴jnc³ Ni³na¹.
⁵Nta³ tsa² c⁷oa⁴-s⁷in² tjin¹ xi³ Ni³na¹
²mi²-le⁴, a³xo⁴ ya⁴ nc⁷a³jmi³, a³xo⁴
 i⁴ son³⁷nte³ (nca³ c⁷oa⁴-s⁷in² ncjin²
 ni³na¹ tjin¹, c⁷oa⁴ ncjin² xi³ nai³
 ma³), ⁶to⁴nca³ ña¹ to⁴jnc³ Ni³na¹
 xi³ tjin¹-na¹, je² N⁷ai³-na¹, jñā³-le⁴
 xi³ je² ji³nchoa³-ni³ nca³yi³je³ cjoa⁴.
 C⁷oa⁴ ña¹ tjian¹ xi³ t⁷a³ts⁷e⁴. C⁷oa⁴
 jnc³ Nai³-na¹ Jesucristo xi³ tjin¹-
 na¹, xi³ to⁴t⁷a³ts⁷e⁴ coan³nta³-ni³
 nca³yi³je³, c⁷oa⁴ xi³ to⁴t⁷a³ts⁷e⁴ tjian¹.
⁷To⁴nca³ li²coi³ nca³ts⁷i³ xi³ tjin¹-
 le⁴ je² cjoa⁴chji⁴ne⁴. Tjin¹ c⁷a³ xi³
 c⁷oa⁴-s⁷in² coan³nca³cao⁴-le⁴ xco¹son²
 sa³⁷nta³ nt⁷ai⁴-vi⁴. C⁷oa⁴-s⁷in² cji³ne³
 je² cjoa⁴tjao²-ve⁴ jo³-ni³ tsa² xi³
 cjoa⁴qui²xi⁴ v⁷ai²t⁷a³-le⁴ xco¹son². Je²
 cjoa⁴fa³⁷ai³tsjen³-le⁴ nca³ choa³con³
 c⁷oa⁴ma³-le⁴ xi³ je¹ tjin¹-le⁴ ma³-le⁴.
⁸Je² tso³jmi² xi³ chi³ne³² li²coi³ je²
 xi³ nqui²sa⁴ nta³ sa³sen¹con³-le⁴²
 Ni³na¹. Nta³ tsa² coi⁴cha², li²coi³
 nqui²sa⁴ nc⁷a³ coan⁴². Nta³ tsa² tsi²
 coi⁴cha², li²coi³ nqui²sa⁴ na³nqui³
 coan⁴². ⁹To⁴nca³ cho¹tsaon³ jo³-s⁷in²
 si⁴chjaon¹³ cjoa⁴ntai¹-no³, nca³ tsi²
 ya⁴ sa⁴te¹nqui³ je² xi³ choa³con³.
¹⁰Tsa² jnc³ xi³ scoe⁴-li² nca³ ji³
 xi³ tjin¹-li² cjoa⁴chji⁴ne⁴, nca³ ya⁴
 ti³jna³t⁷ai³ ya¹mi²xa⁴ ya⁴ ⁷nte³-le⁴
 xco¹son², c⁷oa⁴ je² cjoa⁴fa³⁷ai³tsjen³-
 le⁴ je² xi³ choa³con³ a³ tsi²
 ti⁴c⁷oa⁴-s⁷in²ni³ coan⁴n⁷ion¹-ni³con³
 nca³ squi⁴ne⁴ je² cjoa⁴tjao² xi³ c⁷oa⁴-
 s⁷in² v⁷ai²t⁷a³-le⁴ xco¹son². ¹¹C⁷oa⁴
 xi³ to⁴t⁷a³ts⁷e⁴ je² cjoa⁴chji⁴ne⁴-
 li⁴ cha⁴jⁱⁿ je² xi³ choa³con³, je²
 nts⁷e³² xi³ Cristo c⁷en³ t⁷a³ts⁷e⁴.
¹²C⁷oa⁴ nca³ c⁷oa⁴-s⁷in² vi³jnc³hi³t⁷a³-
 lao⁴³ je¹ nts⁷e³², nca³ ni²qui²⁷aon³

je² cjoa⁴fa³⁷ai³tsjen³-le⁴ je² xi³
 choa³con³, c⁷oa⁴-ti⁴s⁷in² vi³jnc³hi³t⁷a³-
 lao⁴³ je¹ Cristo. ¹³To⁴coi³ je²-vi⁴ tsa²
 je² tso³jmi² xi³ chi³ne³ si⁴²ca³jⁱⁿ³-ni³
 je¹ nts⁷e³, ni⁴c⁷ia³-jⁱⁿ² ti⁴squi²ne⁴-
 nia³ yao³, jme¹-ni³ nca³ tsi² tsa² an³
 si³ca³jⁱⁿ³-si¹nia³ je¹ nts⁷e³.

Je² cjoa⁴ xi³ tjo³⁷nte³-le⁴ pa²stro⁴

9 A³ tsi² tsa² an³ pa²stro⁴. A³ tsi²
 ti²jna⁴nte¹³ nca³ an³. A³ tsi²
 tsa² tsa³⁷ve³ je² Jesús Nai³-na¹. A³
 tsi² tsa² jon² xi³ xa¹-na⁴ xi³ t⁷a³ts⁷e⁴
 je² Nai³-na¹. ²Tsa² je² xi³c⁷a³ tso²
 nca³ tsi² an³ pa²stro⁴, to⁴nca³ jon²
 nio¹³ xi³ cjoa⁴qui²xi⁴ ⁷yao³ nca³ an³
 pa²stro⁴ nia¹³, nca⁴ jon² nio¹³ jo³-ni³
 sello xi³ ts⁷e⁴ cjoa⁴pa²stro⁴-na⁴ nca³
 ti³yo³coa⁴² Nai³-na¹. ³C⁷oa⁴-s⁷in²
 si³c⁷o¹fa³-le⁴ en¹ je² xi³ vi²na³nqui³-
 na³. ⁴A³ tsi² tsa² tjin¹-na³jⁱⁿ⁴ ⁷nte³
 nca³ s⁷oi⁴-jⁱⁿ⁴ nca³ coi⁴chi³-jⁱⁿ⁴.
⁵A³ tsi² tsa² tjin¹-na³jⁱⁿ⁴ ⁷nte³ nca³
 coan³nquin¹coai⁴-jⁱⁿ⁴ jnc³ chjon⁴²
 xi³ ti³chja² mai³-jⁱⁿ⁴, c⁷oa⁴-ti⁴s⁷in²
 jo³-s⁷in² xi³c⁷a³ pa²stro⁴, c⁷oa⁴ je²
 nts⁷e⁴ xi³ ts⁷e⁴ Nai³-na¹, c⁷oa⁴ Cefas.
⁶A³xo⁴ to⁴⁷an³ nia¹³ cao⁴ Bernabé xi³
 tsi² tjin¹-na³jⁱⁿ⁴ ⁷nte³ nca³ tsi² si⁴xa¹-
 ni³jⁱⁿ⁴ ntsai⁴-jⁱⁿ⁴. ⁷⁷ya¹ so³nta²do⁴
 xi³ ti⁴je² v⁷e¹chji¹-ni³le⁴ yao³-le⁴. ⁷ya¹
 xi³ v⁷e¹ntje² tso³jmi²ntje², c⁷oa⁴ nca³
 tsi² cji³ne³-ni³ to³-le⁴. C⁷oa⁴ ⁷ya¹ xi³
 co³⁷nta³ cho⁴, c⁷oa⁴ nca³ tsi² squi⁴ne⁴
 xi³ ma³ nta¹chi³qui³-le⁴ cho⁴-ve⁴. ⁸A³
 c⁷oa⁴²xian³ je²-vi⁴ jo³ tso² cho⁴ta⁴. A³
 tsi² c⁷oa⁴-ti⁴ tso² cjoa⁴te¹xo³ma³. ⁹Je²
 cjoa⁴te¹xo³ma³ xi³ ts⁷e⁴ Moisés c⁷oa⁴-
 s⁷in² tji¹t⁷a³: A³li² na⁴⁷ya³-jⁱⁿ² v⁷e²⁷ai³
 ncha⁴ja⁴ c⁷ia⁴ nca³ v⁷e¹ne² tso³-jmi².
 A³ tjin¹-le⁴ coi²nta⁴ Ni³na¹ xi³ ts⁷e⁴
 ncha⁴ja⁴. ¹⁰A³xo⁴ tsi² tsa² nchja⁴
 Ni³na¹ xi³ to⁴t⁷a³tsan⁴². Xi³ t⁷a³tsan⁴²

c⁷oa⁴-s⁷in² qui³s⁷e³t⁷a³ nca³ je² xi³
 ncha⁴ja⁴ si¹c⁷e¹nchi³, c⁷oa⁴-s⁷in²
 si¹c⁷e¹nchi³ nca³ tjin¹ xi³ co³ya³-
 le⁴, c⁷oa⁴ je² xi³ v⁷e¹ne² tso³jmi²,
 ti¹co³ya³-le⁴ nca³ scoe¹ xi³ ti¹v⁷e¹ne².
 11Tsa² jin⁴-jin⁴ tsa³c⁷e²ntje²-lai²⁴j⁴
 je² xi³ ts⁷e⁴ esp³ritu, a³ tsi² nta³
 tjin¹ tsa² c⁷oa⁴-ti⁴ c⁷oe¹xcoi¹⁴-jin⁴
 je² xi³ coi³ tso³jmi²-no³. 12Tsa² je²
 xi³c⁷a³ tjin¹-le⁴ ⁷nte³ xi³ t⁷a³t⁷saon⁴³,
 a³ tsi² nqui²sa⁴ tse³ ⁷nte³ tjin¹-
 na³j⁴nca³ jin⁴-jin⁴, to⁴nca³ li²coi³
 qui³ni²chjain¹-jin⁴ je² ⁷nte³, to⁴sa³
 nca³yi³je³ cjoa⁴n⁷ain³ jcho¹cjoa⁴-
 na³j⁴nca³, jme¹-ni³ nca³ tsi² tsa² coi³
 c⁷oe¹chjoa²-si¹ni³lai⁴j⁴nca³ je² en¹nta³
 xi³ t⁷a³ts⁷e⁴ Cristo. 13A³ tsi² tsa²
⁷yao³ nca³ je² xi³ si¹xa¹ ya⁴ ⁷nte³tsje³,
 cji³ne³ tso³jmi² xi³ nchoa¹-ni³ ya⁴
⁷nte³tsje³, c⁷oa⁴ je² xi³ si¹sin³ son²xta²,
 c⁷oa⁴-ti⁴ v⁷a³cao⁴t⁷a³-le⁴ tso³jmi² xi³
 ts⁷e⁴ son²xta². 14C⁷oa⁴-ti⁴s⁷in²ni³
 je² Nai³-na¹ tsa³c⁷e¹ne² nca³ je² xi³
 nchja⁴ya³ je² en¹nta³ xi³ t⁷a³ts⁷e⁴
 Cristo nca³ coi³ coa⁴tio⁴con³-ni³.
 15To⁴nca³ an³ ni⁴jme³-jin² qui³si³c⁷a³-
 nia³ coan³ je²-vi⁴. Ni⁴c⁷oa⁴-jin²s⁷in²
 qui³squi³t⁷a³ je²-vi⁴, jme¹-ni³ nca³
 c⁷oa⁴si⁴cao⁴-si¹ni³na³ nca³ an³. An³
 nqui²sa⁴ nta³ tjin¹-na³ tsa² coi³ya¹³
 coa⁴-ni³ tsa² ⁷ya³ xi³ cjoa⁴⁷a²xin²-
 na³ je² cjoa⁴qui²xi⁴ xi³ tjin¹-na³ nca³
 v⁷a³sje³je³ya²³ yao³-na⁴. 16Tsa² c⁷oa⁴-
 s⁷in² nchja²ya³ je² en¹nta³ xi³ t⁷a³ts⁷e⁴
 Cristo, tsi²jme³ cjoa⁴qui²xi⁴ xi³ tjin¹-
 na³ nca³ v⁷a³sje³je³ya²³ yao³-na⁴, nca³
 to⁴cjoa⁴n⁷ion¹ s⁷e³ne²-na³. Ma⁴xo¹-
 nia³ tsa² tsi² coi³nchja²ya³ je² en¹nta³
 xi³ t⁷a³ts⁷e⁴ Cristo. 17Tsa² c⁷oa⁴s⁷ian³
 nca⁴ c⁷oa⁴-s⁷in² me³-na³, s⁷e⁴ chji¹-
 na⁴, to⁴nca³ tsa² tsi² c⁷oa⁴-s⁷in²
 me³-na³, to⁴jo³ c⁷oa⁴-s⁷in² cjoa⁴n⁷ion¹
 qui³s⁷e³ne²-na³ xa¹-ve⁴. 18Jña¹-le⁴

tso²c⁷oa⁴ je² xi³ chji¹-na⁴. Coi³, c⁷ia⁴
 nca³ an³ coi³nchja²ya³ je² en¹nta³ xi³
 t⁷a³ts⁷e⁴ Cristo, c⁷oe³jna²cjoa⁴tjoa²³
 je² en¹nta³ t⁷a³ts⁷e⁴ Cristo, jme¹-ni³
 nca³ tsi² ch⁷ao³-s⁷in² si³chjen¹-
 si¹nia³ je² ⁷nte³ xi³ tjin¹-na³ xi³
 t⁷a³ts⁷e⁴ je² en¹nta³ t⁷a³ts⁷e⁴ Cristo.
 19Nta³ tsa² nta¹ ti²jna⁴-le⁴ nca³ts⁷i³,
 c⁷oa⁴-s⁷in² cho⁴⁷nta³-le⁴ nca³ts⁷i³
 tsa³c⁷e³nta³-nia³ yao³-na⁴, jme¹-
 ni³ nca³ nqui²sa⁴ ncjin² cho⁴ta⁴
 si³qui³njen³-si¹nia³ t⁷a³ts⁷e⁴ Cristo.
 20An³ coan³ jo³-ni³ cho⁴ta⁴ judío
 xi³ t⁷a³ts⁷e⁴ cho⁴ta⁴ judíos, jme¹-
 ni³ nca³ si³qui³njen³-si¹nia³ cho⁴ta⁴
 judíos. C⁷oa⁴ xi³ t⁷a³ts⁷e⁴ je² xi³
 tjio¹nqui³-le⁴ cjoa⁴te¹xo³ma³, c⁷oa⁴-
 ti⁴s⁷in² coan³ jo³-ni³ xi³ tjio¹nqui³-le⁴
 cjoa⁴te¹xo³ma³, (nta³ tsa² tsi² an³
 va²te⁴jna³nqui³-le⁴ cjoa⁴te¹xo³ma³)
 jme¹-ni³ nca³ si³qui³njen³-si¹nia³
 je² xi³ c⁷oa⁴-s⁷in² tjio¹nqui³-le⁴
 cjoa⁴te¹xo³ma³. 21C⁷oa⁴ xi³ t⁷a³ts⁷e⁴
 je² xi³ tsin²-le⁴ cjoa⁴te¹xo³ma³,
 c⁷oa⁴-ti⁴ coan³ an³ jo³-ni³ je² xi³
 tsin²-le⁴ cjoa⁴te¹xo³ma³-jin², (li²coi³
 c⁷oa⁴coan³ an³ jo³-ni³ tsa² tsin²-
 na³ cjoa⁴te¹xo³ma³-jin², to⁴nca³
 ti²jna⁴nquia³ cjoa⁴te¹xo³ma³-le⁴
 Cristo) jme¹-ni³ nca³ si³qui³njen³-
 si¹nia³ t⁷a³ts⁷e⁴ Ni³na¹ je² xi³
 c⁷oa⁴-s⁷in² tsin²-le⁴ cjoa⁴te¹xo³ma³-
 jin². 22C⁷oa⁴ xi³ t⁷a³ts⁷e⁴ je² xi³
 choa³con³, c⁷oa⁴-ti⁴ an³ choa³coan³,
 jme¹-ni³ nca³ si³qui³njen³-si¹nia³
 je² xi³ c⁷oa⁴-s⁷in² choa³con³.
 Xi³ t⁷a³ts⁷e⁴ nca³ts⁷i³, c⁷oa⁴-s⁷in²
 coan³ an³ nca³yi³je³, jme¹-ni³
 nca³ to⁴jo³ c⁷oa⁴s⁷in²-nia³ nca³
 c⁷oa⁴sje³ntjai²c⁷a³-nia³. 23C⁷oa⁴
 je²-vi⁴ c⁷oa⁴s⁷ian³ xi³ t⁷a³ts⁷e⁴
 en¹nta³ t⁷a³ts⁷e⁴ Cristo, jme¹-ni³
 nca³ to⁴jnc³ c⁷oa⁴cao⁴t⁷a³-si¹ni³na³

cao⁴ je². ²⁴A³ tsi² tsa² yao³ je² xi³
to³ca³na⁴cha⁴, cjoa⁴qui²xi⁴-ni¹ nca³
nca³ts⁷i³ to³ca³, to⁴nca³ to⁴jnc³ xi³
si¹qui³njen³ cjoa⁴tjao². C⁷oa⁴-s⁷in²
to¹cao⁴³, jme¹-ni³ nca³ c⁷oa⁴-s⁷in²
chjoe¹-si¹nio³ cjoa⁴tjao². ²⁵C⁷oa⁴
to⁴⁷ya³-ni³ve⁴ xi³ c⁷oa⁴-s⁷in² si¹ta²ja³,
cjoe¹xco¹-le⁴ yao³-le⁴ nca³yi³je³.
Je²-vi⁴ xi³ c⁷oa⁴s⁷in¹, jme¹-ni³ nca³
si⁴²qui³njen³-si¹ni³ jnc³ corona xi³
to⁴fi³tson³, to⁴nca³ ña¹ jnc³ corona
xi³ tsi² c⁷ia³ fi³tson³. ²⁶C⁷oa⁴-s⁷in²
an³ to³ca³, li²coi³ jo³-ni³ tsa² je² xi³
tsi² ve³ qui²xi⁴. C⁷oa⁴-s⁷in² cjan²coa⁴,
li²coi³ jo³-ni³ jnc³ xi³ to⁴v¹e¹
jin³sen¹. ²⁷To⁴sa³ si³qui²⁷oan³ yao³-
na⁴, c⁷oa⁴-s⁷in² v⁷e³ne²³-le⁴ yao³-na⁴,
jo³-ni³ tsa² jnc³ cho⁴⁷nta³, jme¹-ni³
nca³ tsi² tsa² an³ chja³⁷a²xin²-ni³na³
cjoa⁴tjao² c⁷ia⁴ nca³ an³ xi³ c⁷oa⁴-
s⁷in² qui³nchja²ya³jjin³-le⁴ xi³c⁷a³.

A³li² yao³xcon¹-jian² xi³ xco¹son²

10 Li²coi³ me³-na³, nts⁷e³, nca³
tsi² jchao⁴³ nca³ je² n⁷ai³-
na¹ tsa³ca³tio²nqui³ yo³jvi³, c⁷oa⁴
nca³ts⁷i³ ja³⁷a³to³jjin³ nta¹chi³con³.
²C⁷oa⁴ nca³ts⁷i³ qui³sa³te²nta¹t⁷a³-le⁴
Moisés ya⁴jjin³ yo³jvi³, c⁷oa⁴ ya⁴jjin³
nta¹chi³con³. ³C⁷oa⁴ nca³ts⁷i³ ti⁴coi³
qui³squi³ne³-ni³ je² tso³jmi² xi³
ts⁷e⁴ espíritu. ⁴C⁷oa⁴ nca³ts⁷i³ ti⁴coi³
tsa³c⁷i³-ni³ xi³ ts⁷e⁴ espíritu, nca³
qui³ts⁷i³-ni³ ts⁷e⁴ je² la⁴jao⁴ xi³ ts⁷e⁴
espíritu xi³ qui³tjen⁴nqui³-le⁴, c⁷oa⁴
je² la⁴jao⁴-vi⁴ Cristo ni¹. ⁵Ncjin² xi³
ts⁷e⁴ li²coi³ qui³sa³sen³-le⁴ Ni³na¹. Xi³
coi³ qui³tsao³va³ ya⁴ nte³⁷t⁷a³xin²t⁷a³.
⁶Je² cjoa⁴-vi⁴ xi³ c⁷oa⁴coan³ nca³
qui³si³cho⁴ya³-na¹, jme¹-ni³ nca³ tsi²
coan⁴xin²ta³con²-si¹ni³le⁴² tso³jmi²
xi³ ch⁷ao³ tjin¹, jo³-s⁷in² nca³ je²
coan³xin²con³-le⁴. ⁷A³li² c⁷oa⁴-

jin²s⁷in² yao³xcon¹³ xco¹son², jo³-s⁷in²
qui³s⁷in² c⁷a³ nca³ je², jo³-s⁷in² nca³
tji¹t⁷a³: Tsa³ca³tio² je² na⁴xi⁴na³nta¹-
ve⁴ nca³ tsa³cjen² tsa³c⁷i³, c⁷oa⁴
tsa³ca³sen²nto³ nca³ qui³te².
⁸A³li² ni²cha³jnqui³-jian², jo³-s⁷in²
qui³si³cha³jnqui³ c⁷a³ nca³ je², c⁷oa⁴
nca³ to⁴jnc³ ni⁴chjin³ can³jan²
jmi³ qui³tsao³. ⁹Ni⁴ch⁷ao³ si⁴cao⁴-
jian² Nai³-na¹ jo³-ni³ nca³ tjin¹ c⁷a³
nca³ je² qui³si³cao⁴, c⁷oa⁴ c⁷en³ nca³
tsa³c⁷e¹-le⁴ ye⁴. ¹⁰Ni⁴sa³yo³je¹t⁷a³-
jion²³, jo³ qui³s⁷in² c⁷a³ nca³ je² nca³
tsa³cja³yo³je¹t⁷a³, c⁷oa⁴ c⁷en³, nca³ je²
xi³ qui³si³xo²ya³ qui³si³c⁷en³. ¹¹C⁷oa⁴
je² cjoa⁴-vi⁴ c⁷oa⁴coan³-le⁴ nca³
qui³si³cho⁴ya³-le⁴, to⁴nca³ c⁷oa⁴-s⁷in²
qui³chji³t⁷a³ nca³ va³co¹ya³-na¹ nca³
ña¹ xi³ je³ja³⁷ai³ne²-na¹ je² ni⁴chjin³
xi³ fe³t⁷a³-ni³. ¹²C⁷oa⁴-s⁷in² nca³ je²
xi³ si¹cja³⁷ai³tsjen³ nca³ n⁷ion¹ qui²xi⁴
ti¹jna³, ca²ta³si¹coi²nta⁴ yao³-le⁴
nca³ tsi² sca⁴. ¹³Ni⁴jme³-jin² cjoa⁴ xi³
ch⁷ao³ si¹cao⁴-no³ xi³ tsi² tsa² c⁷oa⁴-
ti⁴ ch⁷ao³ si¹cao⁴ nca³ts⁷i³ cho⁴ta⁴.
To⁴nca³ n⁷ion¹t⁷a³con³ Ni³na¹, xi³
tsi² tsa² tsjoa¹⁷nte³ nca³ nqui²sa⁴
tse³ si⁴²cao⁴-no³ cao⁴-ni³ tsa² je²
nca³n⁷ion¹-no³. C⁷ia⁴ nca³ ch⁷ao³
si¹cao⁴-no³, Ni³na¹ ña³tjen⁴ tsjoa¹
jo³-s⁷in² coi²tjo⁴³, jme¹-ni³ nca³ coan⁴
jcho¹cjoa⁴-si¹ni³no³.

Coi⁴ncha³xin²-le⁴² cjoa⁴-le⁴ xco¹son²

¹⁴To⁴coi³, nts⁷e³ xi³ tsjoa³que⁴-
no³, ti⁴ncha³xin²-lao⁴³ cjoa⁴-le⁴
xco¹son². ¹⁵An³ nchja²³-no³ jo³-
ni³ tsa² cho⁴ta⁴ xi³ nta³ tjin¹-le⁴
cjoa⁴fa³⁷ai³tsjen³. Cho¹son²-ni³lao⁴³
nca³ jon² je² xi³ xian³. ¹⁶Je² xi³
yao³² xi³ ma³chi³con³t⁷ain³, xi³ nta³
ni²chi³con³t⁷en³², a³ tsi² tsa² coi³
xi³ njin¹-le⁴ Cristo xi³ ti³yo³cjoa³-

nia³². Je² nio⁴xti²la⁴ xi³ ni²xcoa⁴², a³ tsi² tsa² coi³ xi³ yao³-le⁴ Cristo xi³ ti³yo³cjao³-nia³². ¹⁷Nca⁴ to⁴jnc³ nio⁴xti²la⁴, c⁷oa⁴-s⁷in² to⁴jnc³ yao³ nia¹, nta³ tsa² ncjin² ma³-nia¹, nca³ nca³ts⁷ia³² v⁷a³cao⁴t⁷a³-na¹ nio⁴xti²la⁴-ve⁴. ¹⁸Cho¹tsen³-lao⁴³ Israel xi³ i⁴ ts⁷e⁴ son³⁷nte³-vi⁴. Je² xi³ cjen² cjoa⁴tjao² xi³ qui³ts⁷ai²t⁷a³, a³ tsi² tsa² je² xi³ v⁷a³cao⁴t⁷a³-le⁴ cao⁴ son²xta². ¹⁹Jme¹ xi³ xian³-vi⁴ tso²c⁷oa⁴. A³ tjin¹-le⁴ cjoa⁴qui²xi⁴ xco¹son²-ve⁴, a³xo⁴ a³ tjin¹-le⁴ cjoa⁴qui²xi⁴ je² cjoa⁴tjao² xi³ qui³ts⁷ai²t⁷a³-le⁴ xco¹son². ²⁰To⁴nca³ c⁷oa⁴xian³ nca³ je² xi³ tsjoa¹t⁷a³ je² xi³ li² judío-jin², tsjoa¹t⁷a³-le⁴ je² nai⁴² xi³ nta³j³in³, c⁷oa⁴ li²coi³ tsjoa¹t⁷a³-le⁴ Ni³na¹. C⁷oa⁴ li²coi³ me³-na³ nca³ jon² to⁴jnc³ coaon⁴³ cao⁴ nai⁴² xi³ nta³j³in³. ²¹Li²coi³ coan⁴ s⁷io⁴yao³ cho⁴tsin¹ xi³ ts⁷e⁴ Nai³-na¹ cao⁴ cho⁴tsin¹ xi³ ts⁷e⁴ nai⁴² xi³ nta³j³in³. Li²coi³ coan⁴ coi⁴yo³t⁷ao³ ya¹mi²x⁴a⁴ xi³ ts⁷e⁴ Nai³-na¹ cao⁴ ya¹mi²x⁴a⁴ xi³ ts⁷e⁴ nai⁴² xi³ nta³j³in³. ²²A³xo⁴ ña¹ xi³ ni²chi⁴nia⁴² Nai³-na¹. A³ nqui²sa⁴ tjin¹-na¹ nca³n⁷ion¹ cao⁴-ni³ tsa² je².

**C⁷oa⁴s⁷ian⁴² nca³yi³je³ xi³
t⁷a³ts⁷e⁴ cjoa⁴je³ya³-le⁴ Ni³na¹**

²³Nca³yi³je³ tjo³⁷nte³-na¹, to⁴nca³ li²coi³ nca³yi³je³ ma³chjen¹-na¹. Nca³yi³je³ tjo³⁷nte³-na¹, to⁴nca³ li²coi³ nca³yi³je³ nta³ si¹quin³nc⁷a³-na¹. ²⁴Ni⁴⁷ya³-jin² xi³ va¹sjai³ nca³ nta³ c⁷oe¹jna³ xi³ to⁴ts⁷e⁴-ni³, to⁴nca³ ca²ta³va¹sjai³ nca³ nta³ c⁷oe¹jna³ xi³ cja⁴⁷ai¹. ²⁵Nca³yi³je³ yao³ xi³ sa³te¹na³ ya⁴ jñā³ m⁷en³ cho⁴, chi⁴nao⁴³ nca³ tsi² tsa² jme³ xi³ cho¹na³nqui³, jme¹-

ni³ nca³ tsi² ch⁷ao³ si⁴²cao⁴-si¹ni³ cjoa⁴fa³⁷ai³tsjen³-no³. ²⁶Nca⁴ ts⁷e⁴ Nai³-na¹ je² son³⁷nte³, c⁷oa⁴ je² nca³yi³je³ xi³ ncha³ son³⁷nte³-vi⁴. ²⁷Tsa² jnc³ xi³ tsi² ma³cjin¹-le⁴ xi³ nchja⁴-no³, c⁷oa⁴ nca³ me³-no³ nca³ cao⁴nqui¹³, chi⁴nao⁴³ nca³yi³je³ to⁴jme³-ni³ xi³ sa⁴tio² nqui³xcon³ nca³ tsi² tsa² jme³ xi³ cho¹na³nqui³, jme¹-ni³ nca³ tsi² ch⁷ao³ si⁴²cao⁴-si¹ni³ cjoa⁴fa³⁷ai³tsjen³-no³. ²⁸To⁴nca³ tsa² jnc³ xi³ c⁷oi⁴coi⁴tso⁴-no³: Je²-vi⁴ xi³ qui³ts⁷ai²t⁷a³-le⁴ xco¹son², a³li² chi⁴ne⁴-jion²³ xi³ to⁴t⁷a³ts⁷e⁴ je² cho⁴ta⁴ xi³ c⁷oa⁴ca²tso²-no³, c⁷oa⁴ xi³ to⁴t⁷a³ts⁷e⁴ cjoa⁴fa³⁷ai³tsjen³. Nca⁴ ts⁷e⁴ Nai³-na¹ je² son³⁷nte³, c⁷oa⁴ je² nca³yi³je³ xi³ ncha³ son³⁷nte³-vi⁴. ²⁹Cjoa⁴fa³⁷ai³tsjen³, xian³, a³li² tsi⁴-jin², to⁴nca³ xi³ ts⁷e⁴ xi³jnc³ ni¹. Jme¹ chji¹-le⁴ cjoa⁴ntai¹-na⁴ tsa² c⁷oa⁴-s⁷in² s⁷e⁴-le⁴ cjoa⁴ñ⁷ain³ xi³ to⁴t⁷a³ts⁷e⁴ cjoa⁴fa³⁷ai³tsjen³-le⁴ xi³ cja⁴⁷ai¹. ³⁰C⁷oa⁴ tsa² an³ tsjoa³ cjoa⁴nta³ c⁷ia⁴ nca³ v⁷a³cao⁴t⁷a³-na³, a¹-ni³ nca³ c⁷oa⁴-s⁷in² coi⁴no²cjoa⁴⁷aon³-si¹ni³na³ xi³ to⁴t⁷a³ts⁷e⁴ je²-ve⁴ jñā³-le⁴ xi³ cjoa⁴nta³ tsjoa³-nia³ nca³ cjen². ³¹Tsa² vi³cho³, c⁷oa⁴ tsa² y⁷o²³, tsa² to⁴jme³-ni³ve⁴ xi³ n⁷iaon²³, c⁷oa⁴t⁷iaon⁴³ nca³yi³je³ xi³ t⁷a³ts⁷e⁴ cjoa⁴je³ya³-le⁴ Ni³na¹. ³²A³li² ch⁷ao³-jin²s⁷in² mai¹cao⁴³ cho⁴ta⁴ judíos cao⁴ cho⁴ta⁴ xi³ li² judío-jin², c⁷oa⁴ cao⁴ na⁴xi⁴na³nta¹-le⁴ Ni³na¹, ³³jo³-ni³ nca³ c⁷oa⁴-ti⁴ an³ nta³ sa³sen¹con³-le⁴ nca³ts⁷i³, nca³ tsi² va³sje²³ xi³ ti⁴⁷an³ ma³chjen¹-na³, to⁴nca³ je² xi³ ma³chjen¹-le⁴ xi³ ncjin², jme¹-ni³ nca³ coi⁴tjo³ntjai²-si¹ni³.

11 Chjen¹nqui³-nao¹³ nca³ an³,
jo³-ni³ nca³ c'oa⁴-ti⁴ an³
cjen³nqui³-le⁴ Cristo.

Ya¹nchjin¹ ma³chjen¹-
le⁴ nca³ c'oe⁴²jtsa³ jco⁴

²An³ v⁷a³sje²nta³-no³, nts⁷e³, nca³
nta³ tjio¹jini³-ta³con²³ t⁷a³ts⁷an⁴,
c'oa⁴ nca³ v⁷e²jini³con³ cjoa⁴qui²xi⁴
jo³-s⁷in² nca³ tsa³ca³co³ya²³-no³.
³To⁴nca³ me³-na³ nca³ jchao⁴³, nca³
Cristo nca³jco⁴-le⁴ nca³ts⁷i³ xi³ x⁷in⁴.
C'oa⁴ je² x⁷in⁴ nca³jco⁴-le⁴ chjon⁴²-le⁴.
C'oa⁴ Ni³na¹ xi³ nca³jco⁴-le⁴ Cristo.
⁴To⁴ya³-ni³ x⁷in⁴ xi³ v⁷e¹ts⁷oa³,
a³xo⁴ nchja⁴ya³ t⁷a³ts⁷e⁴ Ni³na¹, tsa²
v⁷e¹jtsa³ jco⁴, si¹soa³-le⁴ jco⁴. ⁵To⁴nca³
to⁴ya³-ni³ chjon⁴² xi³ v⁷e¹ts⁷oa³
a³xo⁴ nchja⁴ya³ t⁷a³ts⁷e⁴ Ni³na¹, tsa²
tsi² v⁷e¹jtsa³ jco⁴, si¹soa³-le⁴ jco⁴,
nca³ ti⁴coi³-ni³ tsa² jti¹ ntsja⁴-le⁴.
⁶Tsa² je² chjon⁴² li²coi³ v⁷e¹jtsa³
jco⁴, c'oa⁴-ti⁴ ca²ta³s⁷e³jon³-le⁴. Tsa²
ma³soa³-le⁴ chjon⁴² nca³ s⁷e³jon³-
le⁴, nca³ jti¹ ntsja⁴-le⁴, ca²ta³v⁷e¹jtsa³
jco⁴. ⁷Je² x⁷in⁴ li²coi³ tjini¹-ni³le⁴
nca³ c'oe⁴²jtsa³ jco⁴, nca³ c'oa⁴-s⁷in²
coan³tsen³ya³ jo³ cjoan³ Ni³na¹, cao⁴
cjoa⁴je³ya³-le⁴. To⁴nca³ je² chjon⁴²
cjoa⁴je³ya³-le⁴ ni¹ x⁷in⁴-le⁴. ⁸A³li²
je² x⁷in⁴ qui³s⁷e³nta³-ni³ chjon⁴²,
to⁴nca³ je² chjon⁴² qui³s⁷e³nta³-ni³
x⁷in⁴. ⁹Je² x⁷in⁴ li²coi³ qui³s⁷e³nta³-
ni³ xi³ t⁷a³ts⁷e⁴ chjon⁴², to⁴nca³ je²
chjon⁴² qui³s⁷e³nta³-ni³ xi³ t⁷a³ts⁷e⁴
x⁷in⁴. ¹⁰To⁴coi³ je² chjon⁴² tjini¹ne²-
ni³le⁴ nca³ c'oe⁴²jtsa³ jco⁴, jo³-ni³
jnco³ choa⁴ xi³ ts⁷e⁴ cjoa⁴te¹xo³ma³.
Tjini¹ne²-ni³le⁴ nca³ c'oa⁴s⁷in⁴² xi³
t⁷a³ts⁷e⁴ je² a²ncje⁴. ¹¹Jo³-s⁷in² nca³
tjio¹cao⁴ Nai³-na¹, ni⁴to⁴je²-jin² x⁷in⁴
nca³ tsin² chjon⁴², ni⁴je²-jin² chjon⁴²
nca³ tsin² x⁷in⁴. ¹²Jo³-ni³ tsa² je²

chjon⁴² qui³s⁷e³nta³-ni³ x⁷in⁴, c'oa⁴-
ti⁴s⁷in²ni³ je² x⁷in⁴ qui³s⁷e³nta³-ni³ xi³
to⁴t⁷a³ts⁷e⁴ chjon⁴², to⁴nca³ nca³yi³je³
ts⁷e⁴ Ni³na¹ ni¹. ¹³Cho¹son²-ni³lao⁴³
nca³ ti⁴jon²-nio³. A³ va³quin²-le⁴
chjon⁴² nca³ c'oe⁴²ts⁷oa³-le⁴ Ni³na¹
nca³ tsi² tjijtsa³ jco⁴. ¹⁴Jo³ cjoan³²
nca³ to⁴xa¹ cjoan³-nia³² son³⁷nte³,
a³ tsi² va³co¹ya³-no³ nca³ je² x⁷in⁴
ch⁷ao³ tjini¹-ni³ nca³ ntsja⁴-le⁴
si⁴²nto³. ¹⁵To⁴nca³ je² chjon⁴² nca³
si¹nto³ ntsja⁴-le⁴ coi³ cjoa⁴je³ya³-
le⁴, nca³ coi³ xa¹ qui³ts⁷ai²-le⁴
ntsja⁴-le⁴, nca³ v⁷e¹jtsa³ jco⁴ jo³-
ni³ pa²ño⁴ coan⁴-le⁴. ¹⁶Tsa² jnco³
xi³ me³-le⁴ nca³ to⁴cja⁴⁷ai¹ coi⁴tso⁴,
ca²ta³ve³ nca³ jin⁴-jin⁴ li²coi³
cja⁴⁷ai¹-s⁷in² nca³-na³jin⁴, ni⁴je²-jin²
na⁴xi⁴na³nta¹-le⁴ Ni³na¹.

Cho⁴ta⁴ ch⁷ao³ qui³si³chjen¹
je² cena-le⁴ Nai³-na¹

¹⁷To⁴nca³ je²-vi⁴ xi³ v⁷e³ne²³-
ni³no³, c'oa⁴ li²coi³ nta³ v⁷a³sje²³-no³
nca³ jon² nca³ c'oa⁴-s⁷in² tsi² nta³
n⁷iaon²³, to⁴ch⁷ao³ n⁷iaon²³ nca³
ma³ñao³. ¹⁸Ti¹tjon² je²-vi⁴, c⁷ia⁴ nca³
ma³ñao³ jon² xi³ na⁴xi⁴na³nta¹-le⁴
Cristo ⁷mi²-no³, nch⁷oe³-nia³ nca³
c'oa⁴-s⁷in² ncjin² ya³ ma³-nio³. C'oa⁴
ma³cjain¹⁷i⁴ts¹-na³. ¹⁹Ma³chjen¹
nca³ tjini¹ ya⁴jin³-no³ nca³ jon² xi³
cja⁴⁷ai¹ tso², jme¹-ni³ nca³ je² xi³
cho⁴ta⁴cjoa⁴qui²xi⁴ coan⁴tsen³jin³-
si¹ni³no³ nca³ jon². ²⁰C⁷ia⁴ nca³
to⁴jnco³ ma³ñao³, li² cena-le⁴ Nai³-
na¹jin² xi³ chi³nao³-ve⁴. ²¹Jnco¹jnco¹
to⁴nqui³-ni³ cji³ne³ cena xi³ ti⁴ts⁷e⁴-
ni³, c'oa⁴ jnco³ xi³ vao³-le⁴, c'oa⁴ xi³
nqui²jnco³ ch⁷i⁴. ²²Jme¹-ni³ni³. A³
tsi² tjini¹-no³ nt⁷ia³ jñā³ nca³ vi³cho³
jñā³ ⁷yo²³. A³xo⁴ taon³ ⁷yao³ je²
na⁴xi⁴na³nta¹-le⁴ Ni³na¹, c'oa⁴ a³

ni²soa³-lao⁴³ je² xi³ tsin²-le⁴. Jme¹ xi³ xin³-no³. A³ nta³ c⁷oa³sje²³-no³. Coi³ je²-vi⁴ li²coi³ nta³ v⁷a³sje²³-ni³no³.

Xi³ t⁷a³ts⁷e⁴ je² cena-le⁴ Nai³-na¹

(Mt. 26:26-29; Mr. 14:22-25; Lc. 22:14-20)

23 Nai³-na¹ qui³tsjoa³-na³ ti⁴coi³ xi³ tsa³ca³co³ya²³-no³ nca³ jon²: Je² Nai³-na¹ Jesús qui³scoe¹ nio⁴xti²la⁴ je² ni⁴tjen⁴ c⁷ia⁴ nca³ qui³cha³ni²t⁷a³. **24** C⁷ia⁴ nca³ je³qui³tsjoa³ cjoa⁴nta³, qui³si³xcoa⁴ya³, c⁷oa⁴qui³tso²: Chjoao¹³, ti⁴cho³. Je²-vi⁴ yao³-na⁴ xi³ c⁷oa⁴-s⁷in² ma³xcoa⁴ya³ t⁷a³tsaon⁴³. C⁷oa⁴t⁷iaon⁴³ je²-vi⁴ nca³ cjoa⁴⁷ai¹tsjen³-no³ xi³ t⁷a³ts⁷an⁴. **25** C⁷oa⁴-ti⁴s⁷in²ni³ qui³scoe¹ je² cho⁴tsin¹, coan³scan³-ni³ nca³ je³tsa³cjen², qui³tso²: Je² cho⁴tsin¹-vi⁴ je² cjoa⁴cho⁴tse⁴ xi³ s⁷e³n⁷ion¹ cao⁴ njin¹-na⁴. To⁴jo³ tjin¹ c⁷a³ nca³ s⁷io⁴yao³ cho⁴tsin¹-vi⁴ c⁷oa⁴t⁷iaon⁴³ nca³ cjoa⁴⁷ai¹tsjen³-no³ xi³ t⁷a³ts⁷an⁴. **26** To⁴jo³ tjin¹ c⁷a³ nca³ coi⁴cho³ nio⁴xti²la⁴-vi⁴, c⁷oa⁴ nca³ s⁷io⁴yao³ cho⁴tsin¹-vi⁴, coi⁴no²cjoa⁴ya³-nio³ cjoa⁴vi³ya³-le⁴ Nai³-na¹ sa³⁷nta³ nca³ cjoa⁴⁷ai¹ nca³ je².

A³li² to⁴xquia⁴ c⁷oa⁴n⁷ian² nca³ vi⁷cha³² je² cena-le⁴ Nai³-na¹

27 C⁷oa⁴-s⁷in² to⁴⁷ya³-ni³ xi³ coa⁴cjen⁴ nio⁴xti²la⁴-vi⁴ a³xo⁴ xi³ sc⁷oi¹ya³ cho⁴tsin¹-vi⁴, xi³ to⁴xquia⁴ c⁷oa⁴s⁷in¹, je¹ s⁷e⁴-le⁴ t⁷a³ts⁷e⁴ yao³-le⁴ c⁷oa⁴ t⁷a³ts⁷e⁴ njin¹-le⁴ Nai³-na¹. **28** To⁴coi³ ca²ta³co³t⁷a³ nca³ jnco¹jnco¹ yao³-le⁴ nca³ ti⁴je²-ni³, c⁷oa⁴-s⁷in² ca²ta³cjen² nio⁴xti²la⁴-vi⁴, c⁷oa⁴ ca²ta³⁷vi³ya³ cho⁴tsin¹-vi⁴. **29** C⁷oa⁴ je² xi³ cjen², xi³ ⁷vi³, xi³ to⁴xquia⁴ c⁷oa⁴s⁷in¹, ti⁴je² v⁷a³sje³-ni³le⁴ cjoa⁴⁷ain³ yao³-le⁴, nca⁴

tsi² tsa² nta³ co³son²-le⁴ t⁷a³ts⁷e⁴ yao³-le⁴ Nai³-na¹. **30** To⁴coi³ nca³ c⁷oa⁴-s⁷in² ncjin² xi³ tjio¹m⁷en³, c⁷oa⁴ xi³ choa³con³, tjio¹ ya⁴jin³-le⁴ nca³ jon², c⁷oa⁴ ncjin² xi³ fa³yo³fe² nca³ je³c⁷en³. **31** Tsa² c⁷oa⁴-s⁷in² nta³ cho¹son²-le⁴² t⁷a³ts⁷e⁴ yao³-na¹ nca³ ti⁴ñ¹-nia³², xi³ cjoa⁴qui²xi⁴ li²coi³ c⁷oi⁴t⁷ain³-na¹ cjoa⁴⁷ain³. **32** To⁴nca³ nca³ v⁷ai²t⁷ain³-na¹ cjoa⁴⁷ain³, c⁷oa⁴-s⁷in² si¹que³-na¹ cjoa⁴⁷ain³ je² Nai³-na¹, jme¹-ni³ nca³ tsi² c⁷oi⁴t⁷ain³-si¹ni³na¹ cjoa⁴⁷ain³ cao⁴ je² son³⁷nte³. **33** C⁷oa⁴-s⁷in² nts⁷e³, c⁷ia⁴ nca³ ma³ñao³ nca³ vi³cho³, cho¹ya³-lao⁴³ xi²nquio⁴³. **34** Tsa² jnco³ xi³ vao³-le⁴, ca²ta³cjen² ya⁴ ni³⁷ya³-le⁴, jme¹-ni³ nca³ tsi² coan⁴ñ³-si¹nio³ nca³ c⁷oi⁴t⁷ain³-no³ cjoa⁴⁷ain³. Je² xi³c⁷a³ cjoa⁴ c⁷oe³nta³ c⁷ia⁴ nca³ cjoe²⁷e⁴.

Je² cjoa⁴tjao²-le⁴ Espíritu Santo

12 Xi³ t⁷a³ts⁷e⁴ cjoa⁴tjao²-le⁴ Espíritu Santo, li²coi³ me³-na³, nts⁷e³, nca³ tsi² jchao⁴³. **2**⁷ya³-nio¹³ c⁷ia⁴ nca³ cho⁴ta⁴ xi³ li² judío-jin² coaon⁴³, to⁴jo³-s⁷in² nca³⁷i⁴ nca³jan¹ qui³cao⁴-no³, nca³ c⁷oa⁴-s⁷in² cjoa⁴n⁷ion¹ tsa³nquin¹t⁷a³-lao⁴³ xco¹son² xi³ tsi² ma³-le⁴ nchja⁴. **3** To⁴coi³ c⁷oa⁴xin³-ni³no³ nca³ ni⁴⁷ya³-jin² xi³ nchja⁴ to⁴t⁷a³ts⁷e⁴ je² Espíritu xi³ ts⁷e⁴ Ni³na¹, xi³ c⁷oi⁴tso²-le⁴ Jesús, ca²tji³cao⁴-li² nai⁴². C⁷oa⁴ li²²ya³ xi³ ma³-le⁴ nchja⁴ Jesús Señor, tsa² tsi² to⁴t⁷a³ts⁷e⁴ je² Espíritu Santo. **4** To⁴nca³ tjin¹ jo³-s⁷in² v⁷a³vi¹ cjoa⁴tjao², to⁴nca³ ti⁴je²-ni³ Espíritu. **5** C⁷oa⁴ tjin¹ jo³-s⁷in² v⁷a³vi¹ xa¹, to⁴nca³ ti⁴je²-ni³ Nai³-na¹. **6** C⁷oa⁴ tjin¹ jo³-s⁷in² v⁷a³vi¹ nca³n⁷ion¹-le⁴ xa¹, to⁴nca³ ti⁴je²-ni³ Ni³na¹ xi³

c²oa⁴-s⁷in² si¹xa¹jin³-le⁴ nca³ts⁷i³
 cho⁴ta⁴ nca³yi³je³ coi³ cjoa⁴-vi⁴.
 7 To⁴nca³ nca³ jnc¹o¹jnc¹ c²oa⁴-
 s⁷in² v⁷ai²-le⁴ nca³ si⁴²c⁷a³tsen³ je²
 Espiritu Santo, jme¹-ni³ nca³ c²oa⁴-
 s⁷in² nta³ coa⁴tio⁴-si¹ni³ nca³ts⁷i³.
 8 Xi³ cjoa⁴qui²xi⁴, to⁴t⁷a³ts⁷e⁴ je²
 Espiritu Santo v⁷ai²-le⁴ jnc³ cho⁴ta⁴
 en¹ xi³ ts⁷e⁴ cjoa⁴fa³⁷ai³tsjen³ xi³
 nta³ tjin¹, c²oa⁴ nqui²jnc³ en¹ xi³
 ts⁷e⁴ cjoa⁴chji⁴ne⁴, jo³-s⁷in² nca³
 ti⁴je²-ni³ Espiritu Santo tsjoa¹.
 9 C²oa⁴ to⁴t⁷a³ts⁷e⁴ ti⁴je²-ni³ Espiritu
 Santo v⁷ai²-le⁴ xi³ nqui²jnc³ nca³
 ma³cjain¹-le⁴, c²oa⁴ nqui²jnc³, je²
 cjoa⁴tjao²-ve⁴ nca³ ma³-le⁴ si¹nta³
 to⁴t⁷a³ts⁷e⁴ ti⁴je²-ni³ Espiritu
 Santo. 10 C²oa⁴ nqui²jnc³, v⁷ai²-
 le⁴ nca³n⁷ion¹ xi³ ma³-le⁴ si¹xa¹-jin³
 cjoa⁴xcon¹. C²oa⁴ nqui²jnc³,
 nca³ n⁷ion¹ nta³ nchja⁴ya³. C²oa⁴
 nqui²jnc³, nca³ ma³-le⁴ co³t⁷a³jin³
 espíritu. C²oa⁴ nqui²jnc³, nca³
 cja⁴⁷ai¹ en¹ ma³-le⁴ nchja⁴. C²oa⁴
 nqui²jnc³, nca³ ma³-le⁴ si¹c⁷a³to³ya³
 en¹. 11 To⁴nca³ to⁴jnc³, xi³ ti⁴je²-ni³
 Espiritu Santo, c²oa⁴-s⁷in² si¹xa¹jin³
 nca³yi³je³ cjoa⁴-vi⁴, nca³ si¹c⁷a³vi¹-
 le⁴ nca³ jnc¹o¹jnc¹ nca³ts⁷i³ xi³
 ti⁴ts⁷e⁴-ni³ cjoa⁴tjao², jo³-s⁷in² me³-le⁴
 nca³ je². 12 Jo³-s⁷in² nca³ je² yao³-
 na¹ to⁴jnc³ ni¹, nta³ tsa² ncjin²
 jco⁴ya³ tjin¹-le⁴ xi³ tjio¹cjao³t⁷a³-ni³,
 to⁴nca³ nca³yi³je³ jco⁴ya³-le⁴ yao³-
 na¹, nta³ tsa² ncjin² ma³-ni³, to⁴jnc³
 yao³ ma³, ti⁴c⁷oa⁴-s⁷in²ni³ Cristo.
 13 To⁴t⁷a³ts⁷e⁴ jnc³ Espiritu Santo
 qui³sa³te²nta¹-nia³² nca³ts⁷ia³², nca³
 to⁴jnc³ yao³-na¹ ma³², tsa² cho⁴ta⁴
 judío nia¹, a³xo⁴ cho⁴ta⁴ griego nia¹,
 tsa² cho⁴⁷nta³ nia¹, a³xo⁴ ti³yo³ntai¹-
 nia¹. Nca³ts⁷ia³² to⁴jnc³ Espiritu
 Santo qui³si³tse³ya³ ni⁴ma⁴-na¹. 14 Je²

yao³-na¹ li² to⁴jnc³ jco⁴ya³-jin²,
 to⁴nca³ ncjin² jco⁴ya³ tjio¹cjao³t⁷a³-
 ni³. 15 Tsa² je² ntso⁴co⁴ coi⁴tso⁴:
 A³li² an³-jian²³ ntsa⁴, coi³ nca³ li²
 ts⁷e⁴ yao³-ve⁴jian²³. A³li² to⁴coi³
 nca³ tsi² tsa² ts⁷e⁴ coan⁴-ni³ yao³-
 ve⁴. 16 C²oa⁴ tsa² xo⁴ño³ coi⁴tso⁴:
 A³li² an³-jian²³ xcon⁴, coi³ nca³ li²
 ts⁷e⁴ yao³-ve⁴jian²³. A³li² to⁴coi³
 nca³ tsi² ts⁷e⁴ coan⁴-ni³ yao³-ve⁴.
 17 Tsa² nca³yi³je³ yao³ to⁴xcon⁴
 coan⁴, jo¹-s⁷in² cjo¹nch⁷oe¹-ni³. Tsa²
 nca³yi³je³ to⁴xo⁴ño³ coan⁴, jo¹-s⁷in²
 coi⁴njen³-le⁴. 18 To⁴nca³ coe⁴-ni³
 Ni³na¹ c²oa⁴-s⁷in² tsa³c⁷e¹cjao³jin³
 yao³-na¹ nca³ jnc¹o¹jnc¹ jco⁴ya³,
 jo³-s⁷in² coan³me³-le⁴. 19 Tsa²
 nca³yi³je³ to⁴jnc³ jco⁴ya³ coan⁴,
 jña¹ ti¹jna³ yao³-na¹. 20 To⁴nca³
 coe⁴-ni³ ncjin² jco⁴ya³ ma³-ni³,
 to⁴nca³ to⁴jnc³ yao³-na¹. 21 Ni⁴je²-
 jin² xcon⁴ coan⁴ coi⁴tso⁴-le⁴ ntsja³:
 Li²coi³ ma³chjen¹-le²³, ni⁴ti⁴c⁷oa⁴-
 jin²ni³s⁷in² je² jco⁴ cao⁴ ntso⁴co⁴:
 Li²coi³ ma³chjen¹-na³ nca³ jon².
 22 To⁴sa³ je² jco⁴ya³-le⁴ yao³-na¹ xi³
 ma³tsen³ nca³ tsin²-le⁴ nca³n⁷ion¹,
 je² xi³ nqui²sa⁴ ma³chjen¹. 23 C²oa⁴
 je² jco⁴ya³-le⁴ yao³-na¹ xi³ ma³tsen³
 nca³ nqui²sa⁴ choa³ nta³ ⁷ya³², je²-vi⁴
 xi³ nqui²sa⁴ xcon¹ ni²c⁷a³cja¹, c²oa⁴
 je² jco⁴ya³-le⁴ xi³ soa³-ta³con²cha³²,
 nqui²sa⁴ to⁴⁷ma³ ni²ca³tioa¹. 24 Je²
 jco⁴ya³-le⁴ yao³-na¹ xi³ nqui²sa⁴ ma³
 ni²ca³tio¹-tsen³, li²coi³ ma³chjen¹ nca³
⁷ma³ ni²ca³tioa¹. To⁴nca³ Ni³na¹ xi³
 c²oa⁴-s⁷in² tsa³c⁷e¹cjao³t⁷a³ je² yao³-
 na¹, nca³ nqui²sa⁴ ⁷ya³xcon¹ je² xi³
 nqui²sa⁴ tse³ cha³-le⁴, 25 jme¹-ni³ nca³
 tsi² tsa² jao²ya³ coan⁴-si¹ni³ yao³-na¹,
 to⁴nca³ jme¹-ni³ nca³ je² nca³yi³je³
 jco⁴ya³-le⁴ to⁴nco¹son²-s⁷in² si¹sin³-
 le⁴ xi¹ncjin¹. 26 Tsa² jnc³ jco⁴ya³-le⁴

aon³-le⁴, nca³yi³je³ jo³ tjin¹ jco⁴ya³
to⁴jnc³ ma³aon³-le⁴, c²oa⁴ tsa² jnc³
jco⁴ya³-le⁴ xi³ xcon¹ ²ya³, nca³yi³je³
xi³ jo³ tjin¹ ma³-ni³ jco⁴ya³-le⁴
to⁴jnc³ ma³tsjoa³-le⁴. 27 C²oa⁴ jon²
yao³-le⁴ Cristo nio¹³, c²oa⁴ jnc³o¹jnc³
jco⁴ya³ ma³-nio³. 28 C²oa⁴ tjin¹ c²a³
xi³ Ni³na¹ qui³si³ca³tio¹j³in³-le⁴
na⁴xi⁴na³nta¹-le⁴ Cristo, ti¹tjon² je²
xi³ pa²stro⁴, c²ia⁴ je² xi³ nchja⁴ya³,
ma³jan²-ni³ je² xi³ va³co¹ya³. C²ia⁴
je² xi³ si¹xa¹j³in³ cjoa⁴xcon¹, c²ia⁴ je²
xi³ ma³-le⁴ si¹nta³, xi³ va³sen¹cao⁴,
xi³ va³te¹xo³ma³, xi³ ma³-le⁴ nchja⁴
en¹ xi³ cja⁴⁷ai¹. 29 A³ pa²stro⁴ ni¹
nca³ts⁷i³. A³ nchja⁴ya³-ni¹ nca³ts⁷i³.
A³ va³co¹ya³-ni¹ nca³ts⁷i³. A³ ma³-
le⁴ si¹xa¹j³in³ cjoa⁴xcon¹ nca³ts⁷i³.
30 A³ ma³-le⁴ si¹nta³ nca³ts⁷i³. A³
nchja⁴ en¹ xi³ cja⁴⁷ai¹ nca³ts⁷i³. A³
si¹c²a³to³ya³ en¹ nca³ts⁷i³. 31 To⁴nca³
t²e²-ta³con²lao⁴³ je² cjoa⁴tjao² xi³
nqui²sa⁴ nta³ tjin¹. To⁴nca³ an³
va³co³-no³ jnc³ ntia⁴² xi³ n²ion¹
nqui²sa⁴ nta³ tjin¹.

Xi³ t²a³ts⁷e⁴ cjoa⁴tjao²cha³

13 Nta³ tsa² an³ nchja²³ en¹
xi³ ts⁷e⁴ cho⁴ta⁴, c²oa⁴
xi³ ts⁷e⁴ a²ncje⁴, c²oa⁴ tsa² tsin²-
na³ cjoa⁴tjao²cha³-jin², c²oa⁴-s²in²
nca³ an³ jo³-ni³ qui⁴cha⁴ xi³
n²ion¹ fa³ne³ya³, a³xo⁴ platillo xi³
n²ion¹ fa³ne³ nca³ vi³chon³cjao³-
le⁴ xi¹ncjin¹. 2 C²oa⁴ nta³ tsa² an³
tjin¹-na³ cjoa⁴tjao² nca³ ma³-
na³ nchja²ya³, c²oa⁴ nta³ tsa²
ma³cho⁴ya³-na³ nca³yi³je³ cjoa⁴
xi³ tji¹⁷ma³, c²oa⁴ nca³yi³je³
cjoa⁴chji⁴ne⁴, c²oa⁴ nta³ tsa² tse³
ma³cjain¹-na³ nca³yi³je³, sa³⁷nta³
nca³ coan⁴-na³ cjoa⁴⁷a²xian²³
ni³nto³, tsa² tsin²-na³ cjoa⁴tjao²cha³,

ni⁴jme³-jian²⁷ni³ an³. 3 C²oa⁴ nta³
tsa² si³c²a³via¹³ nca³yi³je³ xi³
tjin¹-na³, jme¹-ni³ nca³ si³cjen²-
si¹nia³ je² xi³ yo⁴ma⁴, c²oa⁴ nta³
tsa² tsjoa³t⁷a³ yao³-na⁴ nca³
c²oa⁴-s²in² coi⁴ti⁴, tsa² tsin²-na³
cjoa⁴tjao²cha³, li²jme³ chji¹-na³.
4 Je² cjoa⁴tjao²cha³ tse³jta³-ni¹, c²oa⁴
tjin¹-le⁴ cjoa⁴nta³. Je² cjoa⁴tjao²cha³
tsin²-le⁴ cjoa⁴xin²ta³con²-jin². Je²
cjoa⁴tjao²cha³ li²coi³ v²a³sje³je³ya³
yao³-le⁴, li²coi³ ma³nc⁷a³con³. 5 Li²coi³
si¹soa³-le⁴ xi¹ncjin¹, li²coi³ va¹sja¹
xi³ ti⁴ts⁷e⁴-ni³, li²coi³ ma³ti³jta³,
li²coi³ v²e¹j³in³con³ xi³ ch⁷ao³ tjin¹.
6 Li²coi³ si¹tsjoa³-ni³le⁴ yao³-le⁴
xi³ t⁷a³ts⁷e⁴ xi³ tsin² cjoa⁴qui²xi⁴,
to⁴nca³ to⁴jnc³ si¹tsjoa³-ni³le⁴
yao³-le⁴ cao⁴ xi³ cjoa⁴qui²xi⁴.
7 Si¹cjain¹-le⁴ nca³yi³je³, ma³cjain¹-
le⁴ nca³yi³je³, co³ya³-le⁴ nca³yi³je³,
nca³yi³je³ jcho¹cjoa⁴cao⁴-le⁴. 8 Je²
cjoa⁴tjao²cha³ ni⁴c²ia³-jin² fe³t⁷a³,
to⁴nca³ je² cjoa⁴ xi³ no²cjoa⁴ya³-
ni³ li²coi³ ti⁴coan⁴chjen¹-ni³,
c²oa⁴-ti⁴ s⁷e⁴chjoa²-le⁴ je² en¹-
le⁴ cho⁴ta⁴, c²oa⁴ je² cjoa⁴chji⁴ne⁴
li²coi³ ti⁴coan⁴chjen¹-ni³. 9 To⁴choa³
xi³ ²ya³xcoan³², c²oa⁴ to⁴choa³
xi³ no²cjoa⁴ya³². 10 To⁴nca³ c²ia⁴
nca³ cjoa⁴⁷ai¹ je² xi³ ña³qui³
tjin¹jnc³, c²ia⁴ je² xi³ to⁴choa³
tjin¹, li²coi³ ti⁴coan⁴chjen¹-ni³.
11 C²ia⁴ nca³ ²ntia¹³, qui³nchja²³
jo³-ni³ ²nti¹, qui³si³cja³⁷ai³tsjen³
jo³-ni³ ²nti¹, qui³sco³son²-le⁴
jo³-ni³ ²nti¹, to⁴nca³ c²ia⁴ nca³
je³coan³jchi¹nca³, qui³si³c²e¹jna²³
cjoa⁴⁷nti¹-na⁴. 12 Nt⁷ai⁴-vi⁴ jo³-
ni³ cho⁴tsin¹ ti³cho²tsen³ya³²,
to⁴xa⁴ ti³⁷ya³², to⁴nca³ c²ia⁴²
cho¹tsen³-le⁴² nca³ ncha³cjao³⁷a³².
Nt⁷ai⁴-vi⁴ to⁴choa³ xi³ ²ve³, to⁴nca³

c⁷ia⁴² scoe³yi³je³ an³, jo³-s⁷in² ⁷ya³-
na³ nca³yi³je. ¹³Nt⁷ai⁴-vi⁴ c⁷oa⁴-s⁷in²
tjio¹ntsja² xi³ ma³cjain¹-na¹, xi³
cjoa⁴cho³ya²cao⁴cjoa⁴, c⁷oa⁴ xi³
cjoa⁴tjao²cha³, c⁷oa⁴ je² xi³ jan²
cjoa⁴-vi⁴, to⁴nca³ je² xi³ nqui²sa⁴
ti¹tjon², je² xi³ cjoa⁴tjao²cha³.

Je² xi³ en¹cja⁴⁷ai¹ nchja⁴

14 Ta⁴nquin¹tjen⁴nqui³-
lao⁴³ cjoa⁴tjao²cha³, c⁷oa⁴
t⁷e²-ta³con²lao⁴³ je² cjoa⁴tjao²-le⁴
Espíritu Santo, to⁴nca³ xi³ nqui²sa⁴
n⁷ion¹ ma³chjen¹ nca³ no²cjoa⁴ya³-
nio³. ²Je² xi³ en¹cja⁴⁷ai¹ nchja⁴,
a³li² cho⁴ta⁴-jin² xi³ nchja⁴cao⁴,
to⁴je² Ni³na¹ xi³ nchja⁴cao⁴, nca³
tsi² tsa² ⁷ya³ xi³ nch⁷oe¹-le⁴, nca³
to⁴cjoa⁴⁷ma³ nchja⁴ xi³ to⁴t⁷a³ts⁷e⁴
Espíritu Santo. ³To⁴nca³ je² xi³
nchja⁴ya³, nchja⁴cao⁴ cho⁴ta⁴, nca³
si¹quin³nc⁷a³ cjoa⁴fa³⁷ai³tsjen³-le⁴,
c⁷oa⁴ nca³ si¹n⁷ion¹jin³-le⁴, c⁷oa⁴ nca³
si¹je³con³. ⁴C⁷oa⁴ je² xi³ en¹cja⁴⁷ai¹
nchja⁴, ti⁴je²-ni³ si¹quin³nc⁷a³
yao³-le⁴, to⁴nca³ je² xi³ nchja⁴ya³,
na⁴xi⁴na³nta¹-le⁴ Cristo si¹quin³nc⁷a³.
⁵C⁷oa⁴-s⁷in² me³-na³ nca³
coi⁴no²cjoao⁴³ en¹cja⁴⁷ai¹ nca³ts⁷io³,
to⁴nca³ xi³ nqui²sa⁴ me³-na³ nca³
coi⁴no²cjoa⁴yao³. Nqui²sa⁴ ti¹tjon²
je² xi³ nchja⁴ya³ cao⁴-ni³ tsa² je²
xi³ en¹cja⁴⁷ai¹ nchja⁴, tsa² c⁷oa⁴-
ti⁴ tsin² xi³ si¹c⁷a³to³ya³ en¹-le⁴,
jme¹-ni³ nca³ je² na⁴xi⁴na³nta¹-le⁴
Cristo coi⁴nc⁷a³-si¹ni³. ⁶Nt⁷ai⁴-vi⁴
tso²c⁷oa⁴, nts⁷e³, tsa² an³ cjo¹con³-
no³ nca³ coi³nchja²³ en¹cja⁴⁷ai¹,
jme¹ xi³ coi⁴njen⁴-no³, tsa² tsin²
coi³nchja²tsen³jin³-no³, a³xo⁴ tsa²
tsi² si³chji⁴ne⁴-no³, a³xo⁴ tsa² tsi²
coi³nchja²ya³-no³, a³xo⁴ tsa² tsi²
coa³co³ya²³-no³. ⁷Xi³ cjoa⁴qui²xi⁴,

je² tso³jmi² xi³ tsin²-le⁴ ni⁴ma⁴-jin²,
xi³ c⁷oa⁴-s⁷in² cji³⁷ntia¹ jo³-ni³ je²
xo⁴vi¹ a³xo⁴ je² arpa, tsa² tsi² tsa²
cja⁴⁷ai¹-s⁷in² cjoa⁴ne³ya³, jo¹-s⁷in²
jcha⁴-ni³le⁴ jo³ tso² xi³ ti¹ni²cji³⁷ntia¹
cao⁴ xo⁴vi¹ cao⁴ arpa. ⁸C⁷oa⁴ tsa²
je² čhjao³ corneta tsi² nta³ fa³ne³,
⁷ya¹ xi³ c⁷oe¹yo³nta³-le⁴ cjoa⁴jchan¹.
⁹C⁷oa⁴-ti⁴s⁷in²ni³ nca³ jon², tsa²
cao⁴ ni³jaon³ no²cjoa⁴-nio³ en¹
xi³ tsi²jme³ tso²ya³-ni³, jo¹-s⁷in²
coi⁴no¹ ⁷ya²-ni³le⁴ jme³ xi³ no²cjoao⁴³,
nca³ to⁴coi⁴no²cjoa⁴ jin³saon¹³.
¹⁰A³li² to⁴ncjin² jco⁴ya³ en¹ xi³ tjin¹
i⁴ son³⁷nte³, c⁷oa⁴ ni⁴jnc³-jin² xi³
tsi² tsa² tjin¹-le⁴ jo³-s⁷in² nchja⁴-ni³.
¹¹To⁴nca³ tsa² an³ tsi² ⁷ve³ jo³ tso²
je² en¹, c⁷oa⁴-s⁷in² cho⁴ta⁴ xi³ xin²
⁷nte³-le⁴ coan⁴ nca³ an³ xi³ t⁷a³ts⁷e⁴
je² xi³ c⁷oa⁴-s⁷in² nchja⁴. C⁷oa⁴ je² xi³
nchja⁴ cho⁴ta⁴ xi³ xin² ⁷nte³-le⁴ coan⁴
t⁷a³ts⁷an⁴. ¹²C⁷oa⁴-ti⁴s⁷in²ni³ nca³
jon² nca³ c⁷oa⁴-s⁷in² ni²xa¹ti⁷ya³-lao⁴³
yao³-no³ nca³ me³-no³ cjoa⁴tjao²-
le⁴ Espíritu Santo. C⁷oa⁴-s⁷in²
ti⁴xa¹ti⁷yao³ nca³ si⁴quin³nc⁷a³
na⁴xi⁴na³nta¹-le⁴ Cristo. ¹³To⁴coi³ je²
xi³ nchja⁴ en¹cja⁴⁷ai¹, ca²ta³v⁷e¹ts⁷oa³
nca³ coan⁴ si⁴²c⁷a³to³ya³-le⁴. ¹⁴Tsa²
an³ v⁷e³ts⁷oa²³ cao⁴ en¹cja⁴⁷ai¹,
je² espíritu-na⁴ v⁷e¹ts⁷oa³, to⁴nca³
je² cjoa⁴fa³⁷ai³tsjen³-na⁴ li²coi³
vi³ncha³cao⁴. ¹⁵Jme¹-ni³ tso²c⁷oa⁴.
C⁷oe³ts⁷oa²³ cao⁴ espíritu-na⁴,
to⁴nca³ c⁷oa⁴-ti⁴ c⁷oe³ts⁷oa²³ cao⁴
cjoa⁴fa³⁷ai³tsjen³-na⁴. Se³ cao⁴
espíritu-na⁴, to⁴nca³ c⁷oa⁴-ti⁴ se³
cao⁴ cjoa⁴fa³⁷ai³tsjen³-na⁴. ¹⁶Tsa²
c⁷oi⁴-lai⁴ cjoa⁴nta³ Ni³na¹ cao⁴ je²
espíritu-li⁴, je² xi³ ti¹jna³ xi³ tsin²-
le⁴ je² cjoa⁴tjao²-vi⁴, jo¹ coi⁴tso⁴
c⁷oa⁴ ca²ta³ma³ t⁷a³ts⁷e⁴ cjoa⁴ xi³
v⁷ai²-lai⁴ cjoa⁴nta³ Ni³na¹, nca³

tsi² tsa² coi³ ve³ je² xi³ c²oa⁴ca²si³.
 17 Cjoa⁴qui²xi⁴ ji³ nta³ v²ai²-lai⁴
 cjoa⁴nta³ Ni³na¹, to⁴nca¹ je² xi³jnc³
 li²jme³ xi³ coi⁴nc²a³-ni³. 18 Tsjoa³-
 le⁴ cjoa⁴nta³ Ni³na¹ nca³ nqui²sa⁴
 nchja²³ en¹cja⁴⁷ai¹ cao⁴-ni³ tsa²
 jon² nca³ts²io³. 19 To⁴nca³ ya⁴j³in³-
 le⁴ na⁴xi⁴na³nta¹-le⁴ Cristo nqui²sa⁴
 me³-na³ coi³nchja²³ aon² en¹ cao⁴
 cjoa⁴fa³⁷ai³tsjen³-na⁴, jme¹-ni³ nca³
 n²ion¹ nta³ xin¹ya³-si¹ni³le⁴ xi³c²a³
 cao⁴-ni³ tsa² te³ jmi³ en¹ xi³ cao⁴
 en¹cja⁴⁷ai¹. 20 Nts²e³ a³li² c²oa⁴-
 jin²s²in² to⁴⁷nti¹ mao³ t²a³ts²e⁴
 cjoa⁴fa³⁷ai³tsjen³-no³, to⁴nca³ ²nti¹
 ca²ta³mao³ t²a³ts²e⁴ cjoa⁴ts²en⁴,
 to⁴nca³ jchi¹nca³ ca²ta³mao³
 t²a³ts²e⁴ cjoa⁴fa³⁷ai³tsjen³-no³. 21 Ya⁴
 cjoa⁴te¹xo³ma³ c²oa⁴-s²in² tji¹t²a³:
 Cao⁴ xi³ cja⁴⁷ai¹ en¹, c²oa⁴ cao⁴
 ts²oa³ xi³ cja⁴⁷ai¹ coi³nchja²cao⁴ je²
 cho⁴ta⁴na⁴xi⁴na³nta¹-vi⁴, ni⁴c²oa⁴-
 jin²s²in² cjo⁴i⁴nch⁷oe¹-na³, tso² je²
 Nai³-na¹. 22 C²oa⁴-s²in² nca³ je²
 en¹cja⁴⁷ai¹ choa⁴ ma³, li²coi³ xi³
 t²a³ts²e⁴ xi³ ma³cjain¹-le⁴, to⁴nca³
 xi³ t²a³ts²e⁴ je² xi³ tsi² ma³cjain¹-
 le⁴, to⁴nca³ je² xi³ no²cjoa⁴ya³-ni³
 li²coi³ c²oa⁴s²in² xi³ t²a³ts²e⁴ je²
 xi³ tsi² ma³cjain¹-le⁴, to⁴nca³ xi³
 t²a³ts²e⁴ je² xi³ ma³cjain¹-le⁴. 23 Tsa²
 c²oa⁴-la²ni³s²in² tsa² nca³ts²i³
 na⁴xi⁴na³nta¹-le⁴ Cristo to⁴jnc³
 coan⁴ña³, c²oa⁴ tsa² en¹cja⁴⁷ai¹ nchja⁴
 nca³ts²i³, c²oa⁴ tsa² fa³⁷a³s²en³ je²
 xi³ tsin²-le⁴ je² cjoa⁴tjao²-vi⁴ a³xo⁴
 xi³ tsi² ma³cjain¹-le⁴, a³ tsi² coi⁴tso⁴
 nca³ c²oa⁴-s²in² sca¹ cji³ma³-no³.
 24 To⁴nca³ tsa² nca³ts²i³ nchja⁴ya³,
 c²oa⁴ fa³⁷a³s²en³ jnc³ xi³ tsi²
 ma³cjain¹-le⁴ a³xo⁴ xi³ tsin²-le⁴ je²
 cjoa⁴tjao²-vi⁴, c²oa⁴-s²in² aon³ ma³-
 ni³le⁴ je¹-le⁴ xi³ to⁴t²a³ts²e⁴ nca³ts²i³

xi³ nchja⁴ya³, c²oa⁴ co³t²a³-ni³
 yao³-le⁴ ni⁴ma⁴-le⁴ jo³ cjoan³. 25 Je²
 xi³ ti¹jna³⁷ma³ ya⁴j³in³ ni⁴ma⁴-le⁴,
 c²oa⁴-s²in² ²ya³son²tsen³-le⁴. C²oa⁴-
 s²in² coa¹jna³tsa³cjan²nqui³ xcon⁴,
 scoe⁴xcon¹ Ni³na¹, si⁴²qui²xi⁴ya³
 nca³ ña³qui³ cjoa⁴qui²xi⁴ Ni³na¹
 ti¹jna³j³in³-no³. 26 Jme¹-ni³ tso²c²oa⁴,
 nts²e³. C²ia⁴ nca³ ma³ña³, nca³
 jnc¹jnc¹ nca³ jon² tj³in¹-le⁴ en¹-
 le⁴ Ni³na¹, tj³in¹-le⁴ cjoa⁴fa³⁷ai³tsjen³
 xi³ va³co¹ya³, tj³in¹-le⁴ xi³
 va³co¹son²tsen³, tj³in¹-le⁴ en¹cja⁴⁷ai¹,
 c²oa⁴ tj³in¹-le⁴ xi³ si¹c²a³to³ya³.
 C²oa⁴-s²in² ca²ta³ma³ nca³yi³je³ nca³
 nta³ coi⁴nc²a³-nio³. 27 Tsa² tj³in¹ xi³
 coi⁴nchja⁴ en¹cja⁴⁷ai¹, ca²ta³nchja⁴
 tsa² to⁴jao² a³xo⁴ to⁴jan²-sa³, nca³
 jnc¹jnc¹ ca²ta³v²a³cao⁴-le⁴, c²oa⁴
 jnc³ xi³ ca²ta³si¹c²a³to³ya³ en¹.
 28 Tsa² tsin² xi³ si¹c²a³to³ya³, to⁴jyo¹
 ca²t²e²jna³ ya⁴j³in³-le⁴ na⁴xi⁴na³nta¹-
 le⁴ Cristo. Ca²ta³nchja⁴ cao⁴ yao³-le⁴,
 c²oa⁴ cao⁴ Ni³na¹. 29 C²oa⁴-ti⁴s²in² je²
 cho⁴ta⁴ xi³ nchja⁴ya³, ca²ta³nchja⁴
 nca³ to⁴jao² a³xo⁴ jan²-sa³, c²oa⁴
 xi³c²a³ ca²ta³co³son²-ni³le⁴. 30 C²oa⁴
 tsa² nqui²jnc³ xi³ c²oa⁴-s²in² ti¹jna³,
 tsa² je²-vi⁴ coan⁴tsen³ya³j³in³-
 le⁴, jyo¹ ca²t²e²jna³ xi³ ti¹tjon².
 31 Nca³ coan⁴²-no³ nca³ts²io³ nca³
 coi⁴no²cjoa⁴ya³ nca³ jnc¹jnc¹¹³,
 jme¹-ni³ nca³ nca³ts²i³ coan⁴-si¹ni³le⁴,
 c²oa⁴ nca³ts²i³ coan⁴n²ion¹j³in³-si¹ni³.
 32 C²oa⁴ je² espíritu-le⁴ cho⁴ta⁴ xi³
 nchja⁴ya³ na³nqui³ tjio¹-le⁴ cho⁴ta⁴
 xi³ nchja⁴ya³. 33 Ni³na¹ a³li² je²-
 jin² xi³ tsjoa¹ cjoa⁴si³, to⁴nca³
 si¹qui³njen³nch⁷an¹j³in³, jo³-ni³
 ya⁴j³in³-le⁴ nca³ts²i³ na⁴xi⁴na³nta¹-
 le⁴ xi³ ts²e⁴ cho⁴ta⁴-le⁴ Cristo. 34 Je²
 ya¹nchjin¹-no³ to⁴jyo¹ ca²ta³tio²
 ya⁴j³in³-le⁴ na⁴xi⁴na³nta¹-le⁴ Cristo,

nca³ tsi² tsa² tjin¹-le⁴ nte³ nca³
 coi⁴nchja⁴, to⁴nca³ na³nqui³
 ca²ta³tio², jo³ nca³ c'oa⁴-ti⁴ tso²
 cjoa⁴te¹xo³ma³. ³⁵C'oa⁴ tsa² jme³
 cjoa⁴ xi³ me³-le⁴ nca³ sco¹t'a³ya³,
 ca²ta³co³na³nqui³-le⁴ je² x'in⁴-le⁴
 ya⁴ ni³⁷ya³-le⁴. Ch⁷ao³ tjin¹-ni³ cjoa⁴
 nca³ nchja⁴ jnco³ chjon⁴² jña³ ma³ña³
 na⁴xi⁴na³nta¹-le⁴ Cristo. ³⁶Jme¹-
 ni³, a³ jon² ji³tjo³jini³-no³ je² en¹-le⁴
 Ni³na¹, a³xo⁴ to⁴jon² ji³cho²jini³-
 no³. ³⁷Tsa² jnco³ xi³ si¹cja³⁷ai³tsjen³
 nca³ coi³ cho⁴ta⁴ xi³ nchja⁴ya³,
 a³xo⁴ xi³ tjin¹-le⁴ cjoa⁴tjao²-le⁴
 Espiritu Santo, ca²ta³ve³qui²xi⁴
 nca³ je² xi³ ti²cji³t'a³-no³vi⁴ nca³
 coi³ cjoa⁴te¹xo³ma³-le⁴ Nai³-na¹.
³⁸To⁴nca³ tsa² jnco³ xi³ tsi²coi³ ve³
 je²-vi⁴, c'oa⁴-s'in² ca²ta³v'e²jna³.
³⁹C'oa⁴-s'in², nts'e³, t'e²-ta³con²lao⁴³
 nca³ coi³no²cjoa⁴yao³. A³li²
 v'e²chjoa²-jin²lao⁴³ nca³ en¹cja⁴⁷ai¹
 nchja⁴ xi³c'a³. ⁴⁰To⁴nca³ c'oa⁴-
 s'in² nta³ ca²ta³ma³, ntia³²ntia³²
 ta⁴nquin¹cao⁴³ nca³yi³je³ cjoa⁴.

Xi³ t'a³ts'e⁴ cjoa⁴fa³⁷a¹ya³
 xi³ ts'e⁴ c'en³

15 Nt⁷ai⁴ si³qui²xi⁴ya³-no³,
 nts'e³, je² en¹nta³ xi³ t'a³ts'e⁴
 Cristo xi³ c'oa⁴-s'in²
 qui³nchja²ya³jini³-no³, jña³-le⁴ xi³
 c'oa⁴-ti⁴ qui³chjoa¹³, jña³-le⁴ xi³
 c'oa⁴-ti⁴ ti³yo³cao⁴³, 2jña³-le⁴ xi³
 t'a³ts'e⁴ vi²tjo⁴ntjai²-nio³, tsa² tsi²
 to⁴ya³-ni³ coan³cjain¹-no³, tsa² to⁴jo³
 ntoa³n'ion¹-nio³ je² en¹ jo³-s'in²
 qui³nchja²ya³-no³. ³Nca⁴ je² xi³
 nqui²sa⁴ n'ion¹ ma³chjen¹ xi³ c'oa⁴-
 s'in² qui³ts'ai²-na³, ti⁴coi³
 tsa³ca³co³ya²³-no³: Nca³ Cristo c'en³
 xi³ t'a³ts'e⁴ je¹-na¹, jo³-s'in² tji¹t'a³
 xon⁴ Escritura, ⁴nca³ qui³s'e³ñai³,

nca³ ja³⁷a²ya³-ni³le⁴ nca³ coan³jani²-
 ni³ ni⁴chjin³, jo³-s'in² tji¹t'a³ xon⁴
 Escritura, ⁵c'oa⁴ nca³ ts'a³tsen³-le⁴
 Cefas, c'ia⁴ coan³scan³-ni³ je² xi³
 te³jao²-ve⁴. ⁶Coan³scan³-ni³ jnco³
 c'a²-cjoan² ts'a³tsen³-le⁴ nts'e³² xi³
 to⁴jnco³ tjio¹ xi³ ts'a³to³ aon² ciento
 ma³-ni³. Xi³ nqui²sa⁴-sa³ ncjin² to⁴jo³
 tjio¹con³, to⁴nca³ tjin¹ c'a³ xi³
 je³c'en³. ⁷Coan³scan³-ni³ ts'a³tsen³-
 le⁴ Jacobo, coan³scan³-ni³ nca³ts'i³
 pa²stro⁴. ⁸C'oa⁴ je² xi³ fe³t'a³-ni³
 nca³ts'i³, ts'a³tsen³-na³ nca³ an³,
 jo³-ni³ jnco³ nti¹ xi³
 to⁴qui³njen²taon³. ⁹An³ nia¹³ pa²stro⁴
 xi³ nqui²sa⁴ na³nqui³ ti¹jna³-sa³le⁴
 xi³c'a³ pa²stro⁴, nca³ tsi² tsa²
 va³quin²-na³ nca³ c'oa⁴⁷mi²-na³
 pa²stro⁴, nca³ co²ntran⁴ qui³-le⁴ je²
 na⁴xi⁴na³nta¹-le⁴ Ni³na¹. ¹⁰To⁴nca³
 cao⁴ cjoa⁴nta³-le⁴ Ni³na¹ c'oa⁴²cjoan³
 jo³ cjoan³. C'oa⁴ je² cjoa⁴nta³-le⁴ li²
 to⁴cjoa⁴tjao²-jin² qui³tsjoa³-na³ nca³
 an³, to⁴nca³ nqui²sa⁴ n'ion¹
 qui³si³xa¹³ cao⁴-ni³ tsa² nca³ts'i³ nca³
 je², to⁴nca³ li² an³-jian²³, to⁴nca³ je²
 cjoa⁴nta³-le⁴ Ni³na¹ xi³ ti¹jna³cao⁴-
 na³. ¹¹Tsa² an³, a³xo⁴ tsa² je²,
 c'oa⁴-s'in² no²cjoa⁴yai³⁴-jin⁴, c'oa⁴
 c'oa⁴-s'in² coan³cjain¹-no³ nca³ jon².
¹²To⁴nca³ tsa² Cristo c'oa⁴-s'in²
 no²cjoa⁴ya³-ni³ nca³
 qui³ni²cja³⁷a¹ya²jini³-ni³le⁴ je² xi³
 c'en³, a³ coan⁴ c'a³-le⁴ nca³ jon² nca³
 c'oi⁴coi⁴tso⁴ nca³ tsin² cjoa⁴fa³⁷a¹ya³
 xi³ ts'e⁴ c'en³. ¹³Tsa² tsin²
 cjoa⁴fa³⁷a¹ya³ xi³ ts'e⁴ c'en³, Cristo
 c'oa⁴-ti⁴ ni⁴coi³-jin² qui³ni²cja³⁷a¹ya²-
 le⁴. ¹⁴Tsa² Cristo li²coi³
 qui³ni²cja³⁷a¹ya²-le⁴, to⁴ya³-jin²ni³
 tso²c'oa⁴ xi³ no²cjoa⁴yai³-jin⁴,
 c'oa⁴-ti⁴ to⁴ya³-jin²ni³ xi³ ma³cjain¹-
 no³. ¹⁵C'oa⁴-ti⁴ jin⁴-jin⁴ tji¹tsen³ nca³

testigo nti³so³ ni⁴-jin⁴ xi³ t'a³ts⁷e⁴
 Ni³na¹, nca³ c'oa⁴-s'in² qui³ts'⁷ai²-jin⁴
 en¹-na⁴jin⁴ xi³ t'a³ts⁷e⁴ Ni³na¹ nca³
 je² xi³ c'oa⁴-s'in² qui³si³cja³⁷a¹ya²-le⁴
 Cristo, jña³-le⁴ xi³ tsi²
 qui³si³cja³⁷a¹ya²-le⁴, tsa² cjoa⁴qui²xi⁴
 nca³ je² xi³ c'en³ tsi² fa³⁷a¹ya³-le⁴.
 16Tsa² je² xi³ c'en³ li²coi³
 ni²cja³⁷a¹ya²-le⁴, c'oa⁴-ti⁴ Cristo
 li²coi³ qui³ni²cja³⁷a¹ya²-ni³le⁴. 17Tsa²
 Cristo li²coi³ qui³ni²cja³⁷a¹ya²-ni³le⁴,
 to⁴ya³-jin²ni³ xi³ ma³cjain¹-no³, to⁴jo³
 ti³yo³jion³ je¹-no³. 18C'oa⁴-ti⁴ je² xi³
 qui³t'a³-le⁴ Cristo xi³ je³c'en³,
 c'oa⁴-s'in² qui³cha³. 19Ña¹ xi³
 vi³yo³choan³² i⁴ son³⁷nte³-vi⁴, tsa²
 to⁴cjoa⁴cho³ya²cao⁴cjoa⁴ xi³ tjin¹-na¹
 xi³ to⁴t'a³ts⁷e⁴ Cristo, v'a³cao⁴-na¹
 nca³ nqui²sa⁴ scoe⁴ma⁴-na¹ cao⁴-ni³
 tsa² nca³ts'⁷i³ cho⁴ta⁴. 20To⁴nca³ nt'⁷ai⁴
 Cristo je³qui³ni²cja³⁷a¹ya²jin³-ni³le⁴
 je² xi³ c'en³. Je² xi³ coan³ tjon²-le⁴
 je² xi³ je³c'en³. 21Jo³-s'in² nca³ je²
 cjoa⁴vi³ya³ ja³⁷ai³ xi³ t'a³ts⁷e⁴ jnco³
 cho⁴ta⁴, c'oa⁴-ti⁴ xi³ t'a³ts⁷e⁴ jnco³
 cho⁴ta⁴ ja³⁷ai³ cjoa⁴fa³⁷a¹ya³-le⁴ xi³
 c'en³. 22Jo³-s'in² xi³ t'a³ts⁷e⁴ Adán
 nca³ts'⁷i³ m'en³, c'oa⁴-ti⁴s'in²ni³
 t'a³ts⁷e⁴ Cristo nca³ts'⁷i³
 si⁴c'e¹yo³con³-ni³. 23To⁴nca³ nca³
 jnco¹jnco¹ jo³-s'in² v'a³cao⁴-le⁴,
 Cristo je² xi³ tjon²-le⁴ coan³, scan³
 je² xi³ ts⁷e⁴ Cristo, c'ia⁴ nca³ cjoa⁴⁷ai¹
 nca³ je². 24C'ia⁴ je² xi³ cjoe⁴t'a³, c'ia⁴
 nca³ tsjoa¹-le⁴ cjoa⁴te¹xo³ma³-le⁴ je²
 Ni³na¹ c'oa⁴ N'⁷ai³-na¹, c'ia⁴ nca³
 si⁴²qui³xo²ya³ nca³ts'⁷i³ xi³ tjio¹
 ti¹tjon², c'oa⁴ nca³ts'⁷i³ xi³ tjin¹-le⁴
 nca³n'ion¹, c'oa⁴ nca³ts'⁷i³ xi³
 va³te¹xo³ma³. 25Nca⁴ tjin¹-ni³ nca³
 je² coa⁴te²xo³ma³ sa³⁷nta³ nca³
 coa⁴tio²nqui³ ntso⁴co⁴ nca³ts'⁷i³
 co²ntran⁴-le⁴. 26C'oa⁴ je² co²ntran⁴-

le⁴ xi³ fe³t'a³-ni³ xi³ coi⁴xo⁴ya³, coi³
 cjoa⁴vi³ya³. 27Nca³yi³je³ cjoa⁴
 qui³si³ca³tio² nqui³ntso⁴co⁴. C'ia⁴
 nca³ tso²: Nca³yi³je³ cjoa⁴ c'oa⁴-s'in²
 qui³ni²ca³tio²nqui³-le⁴ nca³ je²,
 ña³qui³ tji¹tse³ nca³ xin² ti¹jna³ je²
 xi³ qui³si³ca³tio²nqui³-le⁴ nca³ je²
 nca³yi³je³ cjoa⁴. 28C'ia⁴ nca³
 nca³yi³je³ cjoa⁴ na³nqui³ sa⁴tio²-le⁴,
 c'ia⁴ ti⁴je²-ni³ 'nti¹-le⁴ na³nqui³
 c'oe¹jna³-le⁴ je² xi³ na³nqui³
 tsa²c'e¹jna³-le⁴ nca³ je² nca³yi³je³
 cjoa⁴, jme¹-ni³ nca³ Ni³na¹
 coan⁴yi³je³-si¹ni³ t'a³ts⁷e⁴ nca³ts'⁷i³.
 29Tsa² tsin²-la²ni³ c'oa⁴-s'in², jme¹
 xi³ s'in⁴² je² xi³ sa³te²nta¹ xi³ t'a³ts⁷e⁴
 c'en³, tsa² ni⁴jo³-jin²s'in²
 ni²cja³⁷a¹ya²-ni³le⁴ xi³ c'en³. A¹-ni³
 tso²c'oa⁴ nca³ sa³te²nta¹-si¹ni³ xi³
 t'a³ts⁷e⁴ c'en³. 30C'oa⁴-ti⁴ ña¹, a¹-ni³
 nca³ xcon¹ vi³ma³-si¹nia³² to⁴jme³
 hora-ni³. 31Jo³-s'in² nca³
 v'a³sje³je³ya²³ yao³-na⁴ t'a³tsaon⁴³
 nca³ ti³yo³coa⁴² Cristo Jesús, c'oa⁴-
 s'in² nca³ nchaon³nchaon³ m'en³.
 32Tsa² an³ qui³scan³coa⁴ xa³ ya⁴
 Efeso, jo³ s'in¹ cho⁴ta⁴, jme¹ xi³
 njen³-na³. Tsa² je² xi³ c'en³ li²coi³
 ni²cja³⁷a¹ya²-le⁴, coi⁴cha², s'ioa⁴²,
 nca³ nchaon³-li⁴ coi⁴ya²-nia³². 33A³li²
 ch²a²na⁴cha⁴-jin²no³. Je² mi²yo⁴ xi³
 tsi² nta³, je² xi³ si¹qui³tson¹ xi³ nta³
 tjin¹. 34Ti⁴cja³⁷a¹-lao⁴³ yao³-no³,
 ti⁴cja³⁷ai³tsjaon³ xi³ cjoa⁴qui²xi⁴,
 c'oa⁴ a³li² je¹-jin² ti⁴vi³jnchi³-nio³,
 nca³ tjin¹ c'a³ xi³ li²coi³ ve³ Ni³na¹.
 An³ nchja²³ nca³ si³soa³-no³.
 35To⁴nca³ tjin¹ c'a³ xi³ coi⁴tso⁴: Jo¹
 s'in² si⁴cja³⁷a¹ya²-ni³le⁴ xi³ c'en³. Jo¹
 cjoan³ yao³-le⁴ xi³ cjoa⁴⁷ai¹cao⁴-ni³.
 36A³ sca¹ya³-li². Je² xi³ v'e²ntjai²³,
 tsa² tsi² to⁴nqui³-ni³ vi³ya³, li²coi³
 v'e²yo³con³. 37C'oa⁴ je² xi³

v²e²ntjai²³, li²coi³ c⁷oa⁴cji³ yao³-le⁴
 jo³ cji³ nca³ coan⁴jcha¹, to⁴nca³
 v²e²ntjai²³ je² na⁴xin⁴ nca³
 to⁴c⁷oa⁴cjoan³, tsa² ts⁷e⁴ trigo, a³xo⁴
 tsa² ts⁷e⁴ xi³ cja⁴⁷ai¹ na⁴xin⁴.
 38 To⁴nca³ Ni³na¹ tsjoa¹-le⁴ yao³-le⁴
 jo³-s⁷in² coan³me³-le⁴, c⁷oa⁴ nca³
 jnco¹jnco¹ ntje⁴ ti⁴ts⁷e⁴-ni³ yao³-le⁴.
 39 Nca³yi³je³ yao³ li²coi³ to⁴nco¹son²,
 to⁴nca³ jnco³ yao³ xi³ cjoa⁴qui²xi⁴
 ts⁷e⁴ cho⁴ta⁴, c⁷oa⁴ nqui²jnco³ yao³
 xi³ ts⁷e⁴ cho⁴, c⁷oa⁴ nqui²jnco³ xi³
 ts⁷e⁴ jti⁴, c⁷oa⁴ nqui²jnco³ xi³ ts⁷e⁴
 ni⁴se³. 40 Tjin¹ yao³ xi³ ts⁷e⁴ nc⁷a³jmi³,
 c⁷oa⁴ tjini¹ yao³ xi³ ts⁷e⁴ son³⁷nte³,
 to⁴nca³ xi³ cjoa⁴qui²xi⁴ jnco³
 cjoa⁴je³ya³-le⁴ xi³ ts⁷e⁴ nc⁷a³jmi³,
 to⁴nca³ cja⁴⁷ai¹-nca¹ cjoan³
 cjoa⁴je³ya³-le⁴ xi³ ts⁷e⁴ son³⁷nte³.
 41 Nqui²jnco³ cjoa⁴je³ya³-le⁴ to⁷oi¹,
 c⁷oa⁴ nqui²jnco³ cjoa⁴je³ya³-le⁴ sa¹,
 c⁷oa⁴ nqui²jnco³ cjoa⁴je³ya³-le⁴
 ni³ño³, nca⁴ jnco³ ni³ño³ cja⁴⁷ai¹-nca¹
 cji³ cjoa⁴je³ya³-le⁴ cao⁴-ni³ tsa² ts⁷e⁴
 xi³ nqui²jnco³. 42 C⁷oa⁴-ti⁴s⁷in²ni³ cao⁴
 cjoa⁴fa³⁷a¹ya³-le⁴ xi³ c⁷en³. S⁷e³ñai³
 je² xi³ to⁴fi³tson³ya²-ni¹, to⁴nca³
 ni²cja³⁷a¹ya²-le⁴ je² xi³ li²coi³
 fi³tson³. 43 S⁷e³ñai³ cao⁴ cjoa⁴soa³,
 ni²cja³⁷a¹ya²-le⁴ cao⁴ cjoa⁴je³ya³.
 S⁷e³ñai³ cao⁴ cjoa⁴⁷i³nta³,
 ni²cja³⁷a¹ya²-le⁴ cao⁴ nca³n⁷ion¹.
 44 S⁷e³ñai³ yao³ xi³ to⁴xquia⁴ yao³,
 ni²cja³⁷a¹ya²-le⁴ yao³ xi³ ts⁷e⁴
 espíritu. Tjin¹ yao³ xi³ to⁴xquia⁴
 yao³, c⁷oa⁴-ti⁴ tjini¹ yao³ xi³ ts⁷e⁴
 espíritu. 45 C⁷oa⁴-ti⁴s⁷in² tji¹t⁷a³: Je²
 ti¹tjon² x⁷in⁴ xi³ Adán ⁷mi², coan³
 ni⁴ma⁴ xi³ ti¹jna³con³, c⁷oa⁴ je² Adán
 xi³ je³t⁷a³-ni³ coan³ espíritu xi³
 si¹c⁷e¹jna³con³. 46 To⁴nca³ je² xi³ ts⁷e⁴
 espíritu, a³li² je²-jin² xi³ ti¹tjon²,
 to⁴nca³ je² xi³ to⁴xquia⁴ yao³, c⁷ia⁴ je²

xi³ ts⁷e⁴ espíritu. 47 Je² x⁷in⁴ xi³
 ti¹tjon² xi³ ts⁷e⁴ son³⁷nte³-vi⁴, ni³⁷nte³
 ni¹. Je² x⁷in⁴ xi³ ma³jao²-ni³, xi³ je²
 Nai³-na¹, ts⁷e⁴ nc⁷a³jmi³ ni¹. 48 Jo³
 cjoan³ je² xi³ ni³⁷nte³ coan³nta³-ni³,
 c⁷oa⁴-ti⁴s⁷in² cjoan³-sa³ je² xi³ ts⁷e⁴
 ni³⁷nte³. Jo³ cjoan³ je² xi³ ts⁷e⁴
 nc⁷a³jmi³, c⁷oa⁴-ti⁴s⁷in² cjoan³-sa³ je²
 xi³ ts⁷e⁴ nc⁷a³jmi³. 49 Jo³-s⁷in² nca³
 tjini¹-na¹ sen¹-le⁴ xi³ ts⁷e⁴ ni³⁷nte³,
 c⁷oa⁴-ti⁴ s⁷e⁴-na¹ sen¹-le⁴ xi³ ts⁷e⁴
 nc⁷a³jmi³. 50 To⁴nca³ c⁷oa⁴xian³ je²-vi⁴
 nts⁷e³ nca³ je² yao³ cao⁴ njini¹-na¹
 li²coi³ coan⁴ s⁷e⁴cjoa⁴tjao²-le⁴
 cjoa⁴te¹xo³ma³-le⁴ Ni³na¹, ni⁴je²-jin²
 xi³ fi³tson³ya² coan⁴ s⁷e⁴cjoa⁴tjao²-le⁴
 je² xi³ tsi² fi³tson³. 51 Coe⁴-ni³ an³
 c⁷oa⁴xin³-no³ jnco³ cjoa⁴⁷ma³. Xi³
 cjoa⁴qui²xi⁴, li²coi³ nca³ts⁷ia³²
 coi⁴ya², to⁴nca³ nca³ts⁷i³ nia¹
 ni⁴c⁷a³ntjai⁷ya³-na¹, 52 xi³
 nti⁴ton⁴nti⁴ton⁴ xi³ to⁴jnco³
 ni²c⁷a³jtsoa³² xcoan³², c⁷ia⁴ nca³ je²
 čhjao³ xi³ fe³t⁷a³-ni³ cjoa⁴ne³.
 C⁷oa⁴-s⁷in² cjoa⁴ne³ je² čhjao³, c⁷oa⁴
 je² xi³ c⁷en³ si⁴cja³⁷a¹ya²-ni³le⁴ nca³
 tsi² cjoit⁴son², c⁷oa⁴ ña¹ c⁷oa⁴-s⁷in²
 ni⁴c⁷a³ntjai⁷ya³-na¹. 53 Nca⁴ c⁷oa⁴-
 s⁷in² tjini¹-ni³ je²-vi⁴ xi³ fi³tson³ya²
 nca³ c⁷oa⁴cja¹ xi³ tsi² fi³tson³, c⁷oa⁴
 je² yao³ xi³ vi³ya³ nca³ c⁷oa⁴cja¹ je²
 xi³ tsi² vi³ya³. 54 C⁷oa⁴ c⁷ia⁴ nca³ je²
 xi³ fi³tson³-vi⁴ c⁷oa⁴-s⁷in² c⁷oa⁴cja¹ je²
 xi³ tsi² fi³tson³, c⁷oa⁴ je² xi³ vi³ya³
 c⁷oa⁴cja¹ je² xi³ tsi² vi³ya³, c⁷ia⁴
 coi⁴tjo³son² je² en¹ xi³ tji¹t⁷a³: Je²
 cjoa⁴vi³ya³ je³chi³xo²ya³, nca³
 je³qui³ni²qui³njen³-le⁴. 55 Ji³
 cjoa⁴vi³ya³, jña¹ ti¹jna³ na³⁷ya¹ts⁷in³-
 li⁴. C⁷oa⁴ ji³ tsjo¹, jña¹ ti¹jna³ xi³
 qui³njen²-li². 56 Je² na³⁷ya¹ts⁷in³-le⁴
 cjoa⁴vi³ya³, coi³ je¹, c⁷oa⁴ je²
 nca³n⁷ion¹-le⁴ je¹, coi³

cjoa⁴te¹xo³ma³. ⁵⁷To⁴nca³ Ni³na¹
ca²ta³v⁷ai²-le⁴ cjoa⁴nta³, nca³
ti¹tsjoa¹-na¹ nca³ ni²qui³njen³² xi³
to⁴t⁴a³ts⁷e⁴ je² Nai³-na¹ Jesucristo.
⁵⁸C⁷oa⁴-s⁷in², nts⁷e³ xi³ tsjoa³que⁴-
no³, qui²xi⁴ ti⁴yo³. A³li²
ni²c⁷a³ntjai²ya³-jion²³. Nqui²sa⁴ tse³
ti⁴xa¹sa³lao⁴³ Nai³-na¹ nca³ntsjai²,
nca⁴ya³-nio¹³ nca³ je² xa¹-no³ nca³
ti³yo³cao⁴³ Nai³-na¹ a³li²
to⁴cjoa⁴tjao²-jin².

**Xi³ t⁷a³ts⁷e⁴ taon⁴ xi³ ma³ñã³ xi³
t⁷a³ts⁷e⁴ cho⁴ta⁴-le⁴ Cristo**

16 Xi³ t⁷a³ts⁷e⁴ taon⁴ xi³
ma³ñã³ xi³ t⁷a³ts⁷e⁴ cho⁴ta⁴-
le⁴ Cristo, c⁷oa⁴t⁷iaon⁴³ nca³ jon²
jo³-s⁷in² nca³ tsa³c⁷e³ne²³-le⁴ je²
na⁴xi⁴na³nta¹-le⁴ Cristo ya⁴ Galacia.
²Nca³ tai²nc⁴ nca³ jnc¹jnc¹
nca³ jon² t⁷e²yo³tjao² t⁷a³xion²³
taon⁴ ya⁴ ni³⁷ya³-no³, jo³-s⁷in² nca³
to⁴cjoa⁴nta³-le⁴ Ni³na¹ s⁷e⁴-no³,
jme¹-ni³ nca³ tsi² c⁷ia⁴ coan⁴ñã³-
si¹ni³ taon⁴, c⁷ia⁴ nca³ an³ cjo¹i³choa³.
³C⁷ia⁴ nca³ cjo¹i³choa³, je² xi³
jon² chja³⁷a²jion³, je²-vi⁴ xi³ an³
si³ca³sen¹coa⁴ xon⁴ nca³ coai⁴cao⁴ je²
cjoa⁴tjao²-no³ ya⁴ Jerusalén. ⁴Tsa²
va³quin²-le⁴ cjoa⁴ma⁴-ve⁴ nca³ c⁷oa⁴-
ti⁴ cjoia¹³ an³, coai⁴cao⁴-na³.

Pablo coai⁴ ya⁴ Corinto

⁵C⁷oa⁴ cjo¹i³con³-no³ nca³ jon²,
c⁷ia⁴ nca³ cjo⁴ cjoa²⁷a⁴toa³ ya⁴
Macedonia, nca³ tjin¹nta³-na³ nca³
cjoa²⁷a⁴ ya⁴ Macedonia. ⁶C⁷oa⁴
tsa² coi³ ni⁴chjin³ coa²te⁴jna³cao⁴-
no³ nca³ jon², a³xo⁴ c⁷oa⁴-ti⁴ ya⁴
coa²te⁴jna³ chan⁴nch⁷an¹, jme¹-ni³
nca³ jon² coi⁴ncha³cao⁴-si¹ni³nao¹³
to⁴jña³-ni³ nca³ cjoia¹³. ⁷Nca⁴
tsi² tsa² me³-na³ nt⁷ai⁴-vi⁴ nca³

to⁴cjoa²⁷a⁴ co³tsen³to³-no³, nca³
co³ya²³-nia¹³ nca³ coa²te⁴jna³cao⁴-
no³ jo³ tjin¹ ni⁴chjin³ tsa² je² Nai³-na¹
tsjoa¹⁷nte³. ⁸To⁴nca³ coa²te⁴jna³ ya⁴
Efeso sa³nta³ s⁷oi¹ Pentecostés,
⁹nca⁴ qui³tjo³⁷ai²⁷nte³-na³ xi³ n⁷ion¹
tse³ tjin¹ nca³ n⁷ion¹ ma³chjen¹,
c⁷oa⁴ ncjin² ma³-ni³ xi³ co²ntran⁴
fi². ¹⁰Tsa² coi⁴cho³ Timoteo,
cho¹tsen³-lao⁴³ nca³ c⁷oe¹jna³cao⁴-
no³, nca³ tsi² cjoa⁴jcon³ s⁷e⁴-le⁴,
nca⁴ c⁷oa⁴²-ti⁴ je² si¹xa¹-le⁴ Nai³-na¹
jo³-ni³ nca³ an³. ¹¹To⁴coi³ ni⁴⁷ya³-
jin² xi³ ch⁷ao³ ca²ta³ve³, to⁴sa³
nch⁷an¹ cha⁴ni²ya⁴ntiao⁴² jme¹-ni³
nca³ cjo¹i⁴nchoa³con³-si¹ni³na³, nca³
ti²co³ya²³-le⁴ cao⁴ je² nts⁷e³². ¹²Xi³
t⁷a³ts⁷e⁴ nts⁷e³², Apolos, li² c⁷oa⁴cji³
tsa³c⁷e³ts⁷oa²³-le⁴ nca³ coai⁴con³-no³
nca³ jon² cao⁴ je² nts⁷e³². To⁴nca³
ni⁴⁷i⁴tse¹-jin² coan³jyo³-le⁴ nca³ qui³
nt⁷ai⁴-vi⁴. To⁴nca³ coai⁴ c⁷ia⁴ nca³
s⁷e⁴-le⁴ nte³.

Cjoa⁴ni²ti²⁷nta³ xi³ fe³t⁷a³

¹³Ti⁴yo³chon³⁷ntao³, n⁷ion¹
ti⁴yo³cao⁴³ xi³ ma³cjain¹-no³, c⁷oa⁴
n⁷ion¹ ta²ja³ ti⁴yo³, c⁷oa⁴ chjoao¹³
nca³n⁷ion¹. ¹⁴C⁷oa⁴ nca³yi³je³
cjoa⁴ xi³ tsaon⁴³ c⁷oa⁴ca²ta³ma³
cao⁴ cjoa⁴tjao²cha³. ¹⁵Je³⁷yao³
nca³ je² nt⁷ia³-le⁴ Estéfanos coi³
xi³ ti¹tjon² coan³cjain¹-le⁴ ya⁴
Acaya, xi³ tsa³c⁷e¹ne²-le⁴ yao³-
le⁴ nca³ c⁷oa⁴-s⁷in² tjio¹si¹sin³-le⁴
cho⁴ta⁴-le⁴ Cristo. ¹⁶C⁷oa⁴-s⁷in²
v⁷e³ts⁷oa²³-no³ nts⁷e³ nca³ c⁷oa⁴-
ti⁴ jon² na³nqui³ coi⁴yo³-lao⁴³
xi³ c⁷oa⁴cjoan³, c⁷oa⁴ nca³ts⁷i³
xi³ ñã³tjen⁴ si¹xa¹cao⁴-na¹, c⁷oa⁴
xi³ n⁷ion¹ si¹xa¹. ¹⁷Ma³tsjoa³-
na³ nca³ ja³⁷ai³ Estéfanos,
c⁷oa⁴ Fortunato, c⁷oa⁴ Acaico,

nca⁴ je²-vi⁴ xi³ qui³si³jnc³ xi³
 qui³cha³-na³ nca³ tsion² nca³
 jon². **18** Qui³si³n²ion¹con³ je²
 ni⁴ma⁴-na⁴, c⁷oa⁴ je² xi³ tsaon⁴³.
 C⁷oa⁴ nta³ jcha⁴cho⁴tao⁴³ je² xi³
 c⁷oa⁴cjoan³. **19** Je² na⁴xi⁴na³nta¹-le⁴
 Cristo xi³ ts⁷e⁴ Asia si¹ti²⁷nta³-
 no³. A³li² c⁷oa⁴cji³ si¹ti²⁷nta³-no³
 nca³ tjio¹cao⁴ Nai³-na¹ je²
 Aquila cao⁴ Priscila, cao⁴ je²
 cho⁴ta⁴na⁴xi⁴na³nta¹-le⁴ Cristo
 xi³ ma³ña³ ya⁴ ni³ya³-le⁴.
20 Si¹ti²⁷nta³-no³ nca³ts⁷i³ nts⁷e³².

Ti⁴ti²⁷ntao³ xi²nquio⁴³ nca³
 jnc¹jnc¹ nca³ tsje³ t⁷e²t⁷a³ts⁷oa³-
 lao⁴³ xi²nquio⁴³. **21** An³ xi³ Pablo
 mi²-na³ si³ti²⁷nta³-no³ nca³ cja³
 je²-vi⁴ cao⁴ ntsa⁴. **22** Tsa² jnc³ xi³
 tsi² tsjoa³que³ Nai³-na¹ Jesucristo,
 nai⁴² ca²ta³fi²cao⁴. Nai³-na¹
 cjoa⁴⁷ai¹. **23** Je² cjoa⁴nta³-le⁴
 Nai³-na¹ Jesucristo ca²ta³s⁷e³-no³
 nca³ jon². **24** Je² cjoa⁴tjao²cha³-
 na⁴ ca²ta³s⁷e³-no³ nca³ts⁷io³, nca³
 ti³yo³coa⁴² Cristo Jesús. C⁷oa⁴
 ca²ta³ma³.